

# *MODIMO MOSEFETOGE*

## *A ŠOMAGO KA TSELÀ*

### *YA GO SE LETELWE*



Dumela fela, dumela fela, Dilo tšohle di a kgonega, dumela fela.

<sup>2</sup> A re inamišeng dihlogo tša rena nakwana feela bakeng sa thapelo. Ke thabile kudu go ba le lena bošegong bjo. Gomme selo sa pele re dumago go se dira bjale ke go bolela le Yo re ttilego go mmona, Morena Jesu. A re rape leng.

<sup>3</sup> Tate wa rena wa Legodimong, re tšea wo go ba monyetla wo mogolo go ba ka kerekeng ye nnyane ye bošegong bjo, ka tirelong ya Morwa moratwa wa Gago, Morena Jesu, Mophološi wa rena. Re Go leboga kudu bakeng sa mogau wo A re filego wona, go tšholleng Madi a Gagwe, gore rena, ba go se hlweke, re ke re hlwekišwe ke Seloba se segolo sa Gagwe.

<sup>4</sup> Re rapelela Kereke tšekelele, mogohle, bakeng sa leloko le lengwe le le lengwe, modiša yo mongwe le yo mongwe. Re rapelela gagolo kereke ye le modiša wa yona, bošegong bjo, le mohlape wo monnyane wo o lego leetong mo ka go karolo ye ya toropokgolo. Bjalo ka maloko a Mmele wa Kriste, re a rapela gore O tla ba šegofatša, Morena. Šegofatša matikone, bahlokomelaphahlo. Gomme ke monyetla wo mogolo go tla, bošegong bjo, go abelana kopanelo mmogo, Morena, ye re nago le yona ka go lebala le la mohlakanelwa ka Kriste.

<sup>5</sup> Bjale, Morena, re a rapela gore O tla phološa motho yo mongwe le yo mongwe mo yo a sego a phološwa, bošegong bjo. Le go fodiša motho yo mongwe le yo mongwe yo a babjago. Le go tlatša ka Moya wo Mokgethwa bao ba swerwego ke tlala le go nyorelwa o bjalo. E ba ka Lentšung, bošegong bjo, Morena, gomme re hlatswe ka meetse a Lentšu, ge re letetše go ya kgojana. Leineng la Morena Jesu, re a e kgopela. Amene.

Le ka dula.

<sup>6</sup> Madume go Ngwanešu Searles, le go mohlape wa Moren wo o lego leetong ka go mafelelo a a toropokgolo. Re thabile kudu go ba mo bošegong bjo, go abelana nako ye ya kopanelo le lena, bagwera baratwa ba ka. Gomme ke a bona ba bantši ba emeletše. Re no tshepa gore re ka se be botelele kudu, Molaetša o monnyane go tšwa go Morena, gomme segolothata nako ya go tla mmogo. Gomme ke a nagana ke kopane le ngwanešu pele, felotsoko.

Gomme ke a tseba ke tsebile sefahlego sa gagwe, eupša leina le kwagala go tlwaelega go nna.

<sup>7</sup> Gomme kafao rena, ba ohle madira a magolo a matee a magolo a mašole a Modimo, re matšha go ya pele go leba phenyo ya makgaolakgang mo bofelong bja tsela. Gomme go lena Bakriste ba ba lego mo, ba le leetong, khutšo ya Modimo e be godimo ga lena.

<sup>8</sup> Gomme ke a tshepa gore Modimo o tla šegofatša kereke ye nnyane ye. Gomme anke e gole go ba tšitširipa, kereke ye kgolo mo, maloko ohle a tlatšwe ka Moya wo Mokgethwa; le go obamela Moya kudu, go fihla sebe se sa kgone eibile go tsena ka mejako ntle le go biletšwa ntle ke Moya wo Mokgethwa. Woo ke mohuta wa kereke yeo re e lebeletšego, le go katanelo gore re be le yona. Ke a dumela gore dilo tše di a kgonega.

<sup>9</sup> Gomme bjale go a kgonega, gape, gore ge re ka no neela renabeng go Modimo, le go theetša Lentšu la Gagwe, le go dumela go Jesu ka pelo yohle ya rena, ke a dumela gore go tla tla Kereke yeo moo tšona dilo di tla diregago. Ke a tseba e tla ba tlala ya—ya pelo ya modiredi yo mongwe le yo mongwe, go tla ka kerekeng ye e nnogo tlala ka Bogona bja Modimo, gomme—gomme yo mongwe le yo mongwe a no ba ka khutšong le Moya, go fihla go ka se be sebe, leloko le tee le ka se dire sebe. Feela ka pejana ge ba sepelela ka kua, ba tla tseba bokaone go feta go tla ka bogoneng bja kereke yeo, ka sebe sela godimo ga maphelo a bona. Moya wo Mokgethwa o tla se bitša thwi ntle, gonabjale, le go re, “Se ke se e lego sona.” Bjale, go ne tsela ye re swanetsegoo ba, bagwera. Woo ke mohuta wa kereke. Gomme re phegelela yeo, baena, a ga re? [Baena ba re, “Amene.”—Mor.] Bohle re phegelela selo seo, gomme re a holofela le go tshepa.

<sup>10</sup> Gomme morero wa ka mo ka Phoenix ke go ba le Banna ba Kgwebo ba Bakriste mo khonferenseng. Ba be ba le bose kudu, ngwanešu Williams mo, go ya go dikologa go sehlopha se sekaone se sa baena, go mekgatlo ya go fapano, le go ya pele. Gomme dikereke tše nnyane ntle go kgabola naga mo, le lena baena, le bile ba ba bose go ntliša ka gare, go ba le kopanelo ye le lena. Ke thabile kudu ka yona, gobane ka kgonthe ke rata kopanelo le baena ba ka. Ke a nagana Jesu o rile, “Ke ka mokgo batho bohle ba tla tsebago gore le barutiwa ba Ka,” le a tseba, ge—ge lerato la Gagwe le kopanelo seng sa rena.

<sup>11</sup> Re bile le mašego a mararo bjale. Gomme bošego bja go feta re be re le tlase kerekeng ya Ngwanešu Outlaw, gomme re bile le nako ye kgolo kua, le godimo ka Tempe. Gomme ka gona godimo mo go... Ke—ke retologile go dikologa, gomme ga ke tsebe mo ke lego. Godimo mo, felotsoko, morago ka—ka bodikela bja Phoenix re be re le, bošego bja mathomo. Gomme gosasa mosong, ke a nagana, ka iri ya lesome, ke go ya Ngwanešu Fuller.

<sup>12</sup> Gomme gosasa bošego ke ka go Faith Temple go Indian Road, ke a dumela, goba Indian School Road, goba se sengwe. Ke hlakahlakane gohole. Ke eng? [Yo mongwe o re, “McDowell Road.”—Mor.] McDowell? [“McDowell Road.”] McDowell Road. Faith Tabernacle mo McDowell Road. Oo, nna! Indian School Raod. A seo ga se se sengwe? A ke Khalibari...? [“Fellowship Tabernacle.”] Fellowship Tabernacle. Ke hlakahlakane. Ke kwele Billy a mpotša, go tšwa ntle, bjale, “Fellowship Tabernacle.”

<sup>13</sup> Gomme, eupša bjale, lena batho go la lena... mo go lefelo la lena la mošomo, ke gosasa mosong le gosasa bošego. Elelwang seo. Re no ba mo re etile. Ga re le nyake go tloga kerekeng e tee go ya go ye nngwe. Re tla ba le go kopana seng sa rena nako ye nngwe ya go latela gape, le a bona, le go kopanela mmogo. Eupša lefelo la gago la mošomo ke kerekeng ya gago. Ke a dumela Mokriste yo mongwe le yo mongwe o swanetše go ema go lefelo la gagwe ka nako yeo.

<sup>14</sup> Kafao ke be ke bolela le ngwanešu mo lehono, Ngwanešu Sharrit, mogwera yo bohlokwa wa rena bohle, yo bohle re mo tsebago, John Sharrit, e no ba mo—mo mokgoma wa monna. Gomme o rile, “Ngwanešu Branham, ke fele ke go kwa ka mehla o re o be o etla Bodikela letšatšitsoko, go dula.”

<sup>15</sup> Gomme ke rile, “Ee, tlemo ya mafelelo ye e ntlemelitšego bohlabela e sepetsé bjale: mme wa ka. Gomme o ile gae go ba le Jesu, matšatsí a se makae a go feta. Le mmago mosadimogatša wa ka o sepetsé le yena.”

<sup>16</sup> Kafao ke therešo, re nyaka lefelo la go dula. Gomme—gomme ge re ka direga go tsokama tikologong ya Tucson, Phoenix, Morena a re etapele ka tsela ye, nka se tsoge ka nyaka go thoma kereke. Aowa, mohlomphegi. Nka se dire seo. Eupša ke tla... Ke nna moromiwa. Gomme ka gona ge nka tla ka gare, ke rata go tloga kerekeng go ya kerekeng, ka kopanelo boka yeo. Le go ba le...

<sup>17</sup> Ke a nagana le na le dikereke tsoko tše kaone mo. Gomme re no... Re ne dikereke tše ntši. Re no hloka go di paka, gomme re di tlatše. Yeo ke phetho. Seo ke se re se hlokago. Ee. Re no—re no dira seo, gobane ge motho a thoma kereke ye mpsha, ge e le e ka ba kae e lego, gona, le a bona, e tlemega go goga bonnyane mo le mola. Gomme seo ga se selo—selo go se dira.

<sup>18</sup> Kafao ge Morena a ka nketapele, ke nyaka baena ba tsebe gore e ka se be bakeng sa kereke ye nngwe. Nka se no dire seo, le gatee. Le a bona? E tla no ba go tla mo go kopanelo le yo mongwe le yo mongwe wa lena, yo mongwe le yo mongwe, le go ba le nako ye kgolo ka Moreneng.

<sup>19</sup> Bjale, ka gona, le se lebale Banna ba Kgwebo, Banna ba Kgwebo ba Full Gospel. Banna ba ba dirilwe go tšwa dikerekeng tšohle tša lena. Gomme kopanelo e thoma Labone la go latela

mantšiboa, ke a nagana. A yeo ke nnete, Ngwanešu Williams? Ka, godimo ka Ramada mo go Mokgotha Van Buren bohlabela. Gomme bjale, go ya go ba diboledi tsoko tše kgolo ka fao tše di tlago kopanong ye. Gomme ke—ke nyaka go e tsenela ka nnete, nnamong, go kwa batho bao. Ngwanešu Velmer Gardner, bakeng sa yo motee, yo e lego seboledi sa go ikgetha, le baena ba bangwe ba bantsi. Ba bangwe ba borakgwebo ba ke sego ka ke ka ba kwa gabjale, ba re ke diboledi tša makgethe. Gomme ke thabile kudu go ba kwa, goba sebakabotse go ba kwa. Kafao re letetše go kopana le lena bohle godimo kua.

<sup>20</sup> Gomme ka gona, Morena ge a rata, ke a nagana, ge e beakanyega ka tsela yeo, ke swanelo go ba le difihlolo tša Mokibelo mosong, le go bolela difihlolong. Gomme ka gona, ke a dumela Lamorena la go latela ka morago ga sekglela, ka go kopano ya morago ga sekglela. Gomme ke holofela go kopana le lena fao nako yeo, lena batho ba bohlokwa bohle.

<sup>21</sup> Bjale, ga ke nyake go le swarelala le eme botelele bjalo, gobane le tšwa ka pela bošegong bjo. Gobane, re swanetše go tšwa ka iri ya lesomepedi goba ya pele, gore le kgone go bowa morago go sekolo sa Lamorena mosong. Ga re dire seo. Re... Mohlatholli yo mo o rile, "Ga se maitshwarelelo." Batho kua, gomme ke bone myemyelo ye nnyane e etla go kgabaganya sefahlego sa monna. Aowa. Re tla hlaganelo thwi go bapa bjale, feela bakeng sa mantšu a se makae a go naganišša ka Lentšu. Gomme ke nna mohuta wa moreri wa go taramolla tšie mako, ke a thanka.

<sup>22</sup> Gomme ge ke etla magareng ga baena ba ka ba Pentecostal, mengwaga ya go feta, ge la mathomo ke no tla, kereke ya Baptist, ke be ke nagana ke be ke le moreri wa kgonthe, le a tseba, ke be ke phathekga Beibele ka tlase ga letsogo la ka. Gomme letšatši le lengwe ka tla magareng ga batho ba Pentecostal, gomme Mor. Mna. Daugherty, ke be ke ile tlase go mo kwa a rera. Nna, o ile a rera go fihla a lahlegelwa ke mohemo wa gagwe, a kobamiša matolo a gagwe, le go thibela mohemo wa gagwe. O be o kgona go mo kwa diploko tše pedi bokgole. A tla morago godimo, a rera gape. Ke be ke hlokomela se ke bego ke bolela ka sona, nako yeo, bakeng sa ka.

<sup>23</sup> Ke nno tla go bapa, le go ba le mohuta wa go ya ka go nokologa. Gomme ke nna Motšwaborwa, sa mathomo, le go nokologa sa mathomo, le go ba thari ka mehla. Gomme kafao enong go nkgotlelela metsotsotso e se mekae, gomme ke tla hlaganelo ka pele ka mo ke kgonago.

<sup>24</sup> Eupša ke a holofela gore Morena o tla re fa se sengwe se sennyane mo go dikologa Lentšu la Gagwe, gore se tla re thuša bohle go batamela kgauswana go Yena.

<sup>25</sup> Bjale, godimo ka go Maleaki, tema ya 3, gomme karolo ya pele ya temana ya 6, ke nyaka go tše palo.

*Gobane Ke nna MORENA, ga Ke fetoge; . . .*

<sup>26</sup> Ke nyaka go tšea thuto ye nnyane, ge go ka thabiša Morena, e bitšwago, "Modimo mosefetoge o šoma ka tsela ya go se letelwe." *Modimo Mosefetoge A Šomago Ka Tsela Ya Go Se Letelwe.*

<sup>27</sup> Bjale, re phela mo nakong ya go fetoga. Se sengwe le se sengwe se a fetoga. Feela se sengwe le se sengwe o kgonago go se lebelela le go bona ka mahlo a gago, se tšwa lefaseng, gomme ke materiale, gomme se thoma go fetoga.

<sup>28</sup> Matšatši a se makae a go feta, ge la mathomo ke etla Phoenix, ke . . . Ketelo ya ka ya mathomo mo Phoenix e bile mengwaga ye masometharo tlhano ya go feta, Setemere ye e tlogo. Gomme ke phetše ntle leganateng, mo go 16 le Henshaw. Gomme ke ile tlase kua, gomme ba . . . ntlo e ile. Go na le botshela petrole, gomme toropokgolo e dutše fao. Gomme le tsela e fetotšwe go tloga go Henshaw go ya—go ya go Mokgotha Buckeye. Gobaneng, ga go tsela ya go tsoge wa e hwetša, ge o ka se direge go botšiša tikologong. Gomme seo se diregile ka mengwaga ye masometharo tlhano. Se sengwe le se sengwe se fapano kudu.

<sup>29</sup> Ke elelwa ke eya mo projeke ye kgolo ya Salt River Valley e lego . . . moisa yo monnyane le nna godimo ga dipere, re lelekiša ditola. Bjale, ke lefelo la go phaka fase kua. Kafao Phoenix e godile go tloga thabeng go ya thabeng. E tletše godimo ga naga, gomme ke . . . E bile le phetogo kudu. O ka se kgone go tseba tsela ya gago go dikologa. Ge ke fihla mo, ke a nagana setšhaba e be e le tikologong ya masometharo tlhano goba dikete tše masomenne tša batho. Lehono ke seripa sa milione. Kafao lefelo le le fetogilego go ya go laetša le ya thwi le dinako. Le fetoga feela bjalo ka ge nako e fetoga. Phoenix e a fetoga. Mefelo a mangwe a a fetoga.

<sup>30</sup> Ka gona gape re a tseba gore ditsela, ke hlokometše, tše di fetogile. Ditsela tše o bego o tlwaetše go tla ka gare ka tšona, ga di sa. Ga di sa le fao gape. Di ile ka tsela tsoko ye nngwe. O leka go latela mohlala wo o kilego wa tla ka wona, o a lahlega, o kitimela ntle ka leganateng felotsoko. Kafao ditsela di fetogile. Ditoropokgolo di fetogile. Gomme dipolitiki di fetogile. Di fetoga kgafetša, ngwaga ka morago ga ngwaga. Dipolitiki di a fetoga. Gomme ditšhaba di a fetoga. Ditšhaba, ngwaga ka ngwaga, di a fetoga. Di fetola mokgwatebelelo wa tšona. Di fetola lenaneo la tšona.

<sup>31</sup> Gomme ke hlokometše gore mafelotiragalo a a fetoga, bjalo ka mafelo. Ba rema mohlare. Ba kgereša thaba.

<sup>32</sup> Gomme bona tlase ka Florida, ba ya ntle . . . O ya tlase le go ya go bapa le leši, gomme, lekga la mathomo o eya tlase kua, ga go selo, e no ba meetse a leši. Nako ya go latela, ba dirile sehlakehlake ntle kua felotsoko, gomme ba ne magae a maswa a magolo a agilwe godimo ga sona. Ba dirile dihlakehlake tša madirwa ke motho, ba beile pompi ye kgolo fase ka lewatleng

gomme ba goga meetse le go se fothela, gomme ka gona ba se lekelelanya ka sefatasegolola le dilo, le go bjala toropokgolo godimo ga sona, le magae tsoko, ba dira dihlakehlake.

<sup>33</sup> Ba thuthupiša dintlhora tša dithaba ntle mo, moo, go lebegago o ka re, mmutla le gatee o ka se kgone go ya. Gomme ba ne—ba ne dintlo godimo kua, tša go turwa sekete sa lekgolo la ditolara. Mafelotiragalo a a fetoga.

<sup>34</sup> Gomme re a hlokomela, batho ba a fetoga. Go fihlile mo e lego gore batho lehono ga ba sa le botho boka ba be ba le. Ga ke tsebe ge eba le e hlokometše ntle mo goba aowa, eupša ka nnete re a e hlokomela morago ka Borwa le Bohlabela. Batho ba a fetoga, ngwaga ka ngwaga. Ke ba go hlaganelka kudu. Ba swanetše go no hlaganelka le go dira *se* go dirwa. Le go no kitima go theoga tsela, dimaele tše masomesenyane ka iri, ba tsenane mankgwetekgwete, gomme ba eme lefelong la bjala gomme ba nwe, diiri tše mmalwa, pele ba eya gae. Ke phetogo, go hlaganelka. Ba ya kae?

<sup>35</sup> Hlokamelang, gagologolo basadi lehono ba ne metšhene ya go hlatswa, le diaene tša mohlagase, le dihlatswadibjana tša go kgorometše konope, le se sengwe le se sengwe bjalo ka seo; gomme efela ba ne nako ye nnyane ya go rapela go feta ba kile ba ba le yona.

<sup>36</sup> Le a tseba, Susanna Wesley o bile le bana ba lesomešupa. Gomme o, ka bona bana ba lesomešupa, o be a ega meetse go tšwa sedibeng, gomme a hlatswa ka diatla tša gagwe. Gomme efela o be a kgona go hwetša diiri tše pedi goba tše tharo, ka letšatši, go rapela le bana ba gagwe, ka baisa ba bannyane ba lesomešupa. Gomme fao go tšwele John le Charles.

<sup>37</sup> Bjoo ke bjo e lego bothata lehono, lebaka le dikolo tša rena di hlephištšego, ga go badiredi ba ba tlago ka gare, masogana a go ba le kgahlego. Re ne thlokego ya bangwe go fetiša, botate le bomme ba go rapela ke se re se hlokago, go dira dikolo tša rena di tlale. Masogana ao dipelo tša bona di swago ka phišego go tše Ebangedi ke se re se hlokago. Eupša dilo di a fetoga.

<sup>38</sup> Re ka kgona go ya kgojana gannyane, go batho, le go e tliša ka kerekeng. Kerekeng e a fetoga. Re a e hwetša, gore dikereke tša rena di a fetoga. Re bjalo ka kgonthe, bontši goba bonnyane. Ke bolela tšekelele bjale. Gore, re kudu, go bonala go le, ne kgahlego kudu go hwetšeng maloko go feta re dira batho go phološwa. Go no lebega o ka re yo mongwe le yo mongwe o nyaka go hwetša palo ye kgolokgolo, goba go ba le kerekeng ye kgolokgolo, goba moago wo mogologolo, goba go dira kerekelina ye kgolokgolo, goba—goba se sengwe, go na le go nagana ka soulo ya go šokiša ya go lahlega. Go befile kudu, eupša go ne ba bantši kudu ba rena ba dirago seo.

<sup>39</sup> Ke kwele moebangedi wa go ikgetha, Ngwanešu Billy Graham, ge a be a le ka Louisville, Kentucky. Ke ile ka laletšwa,

le Ngak. Mordecai Ham, mogwera wa ka wa sebele, yo Billy a phološitšwego ka fase ga theroy gagwe. Gomme ke ile ka laletšwa go dula difihlolong le bona. Gomme Mna. Graham, ka go polelo ya gagwe ya maatla, o rile, "Ke ya ka toropongkgolo, gomme ke tla ba...dula fao dibeke tše selelago." O rile, "Ke tla ba le mohlomongwe batho ba dikete tše masomepedi ba ba tla dirago bja bona—bja bona boipolelo." Gomme o rile, "Ke tla hwetša dithekethe tšohle tša bona, le go ya pele, le go ba neela go badiredi." Gomme o rile, "Ka gona ngwaga wo mongwe go tleng morago," o rile, "Ke tla go dikologa. Gomme mo ke bilego le basokologi ba dikete tše masomepedi, ge ke be ke le fao ngwaga wola, ngwaga wa go latela ebile ga ke kgone go hwetša masomepedi." O rile, "Molato ke eng?" Gomme o . . .

<sup>40</sup> Ke tla fapana nthathana gannyane. E sego go fapana le moebangedi yo mogolo yola, Mna. Graham, ka nnete aowa. Eupša ka tsela ye a e batametšego, ka go re, "Bothata ke eng?" Gomme o supile monwana wa gagwe ntle, a re, "Bareri ba bantsi kudu ba dibodu," o rile, "o dutše tikologong ka maoto a gago godimo ga teseke, nako ya mosegare goba bošego, gomme ga a tšeekarata tše le go latela."

<sup>41</sup> O rile, "Ge Paulo o be a le mo, o ile ka toropongkgolo gomme a ba le mosokologi yo motee; gomme a bowa morago ngwaga wa go latela, o bile le masometharo goba masomenne ka yo motee yoo. O bile le ditlogolokhukhu-khukhu-khukhu-khukhu-khukhu godimo ga yona, le a bona." Gomme o rile, "Ke na le dikete tše masometharo, gomme ke bowa morago; goba dikete tše masomepedi, ke bowa morago gomme ga ke kgone go hwetša masomepedi."

<sup>42</sup> Gabotse, e ka ba e bile ka gobane ke nna Mopentecostal. Gomme, eupša ke be ke nyaka go bolela se kudu go fihla ke sa kgone go swara khutšo ya ka. Eupša ke naganne, "Ke mang moreri wa sebodu a beilego maoto a gagwe godimo ga panka ge Paulo a mo dirile a phološwa?" Le a bona? E be e le mosokologi yola, yenamong, yo a išitšwego botebong go lekanelka go Modimo go fihla a swara.

<sup>43</sup> Gomme ge mothoka kgonthe a hwetša go swara Modimo, Modimo o tsene ka pelong ya mothoka. O se ke wa tshwenyega, ditlhase di tla be di fofa go tšwa lehlakoreng le lengwe le le lengwe, gobane o nangasetše go lekanelka go Modimo, gomme bophelo ka moka bja gagwe bo tsemile medu le go mela ka go Kriste, le a bona. Kagona, re a tseba gore ga e no ba bareri ba dibodu. Ke ka baka la gore mo—mo mosokologi ga a ye botebogo lekanelka go fihla a se sa bona lefase le dilo tša lefase. Ge a kile a fihla kgauswi ga Modimo go lekanelka, ga a dire seo.

<sup>44</sup> Eupša re hwetša gore dikereke di a fetoga le batho ba a fetoga. Ditsela di a fetoga. Mafelotiragalo a a fetoga. Dipolitiki di a fetoga.

<sup>45</sup> Eupša go ne selo se tee seo se sa fetogego, yoo ke Modimo. O dula a swana. “Ke nna Modimo, gomme ga Ke fetoge.” Ga go kgathale ke botelele gakaakang, Modimo ga se a tsoge a fetoga nthathana ye nnyane, gomme A ka se kgone go fetoga. A lefelo! Lebaka le A sa kgonego go fetoga ke ka gobane Modimo ke mohlokamagomo, gomme eng kapa eng e lego sehlokamagomo ga e kgone go fetoga.

<sup>46</sup> Gomme ka gona anke re ithuteng ye feels nakwana pele re batamela ka go Lengwalo. Bohlokamagomo ke bohlokamagomo, fao—fao ga go mathomo goba bofelo. Yena—Yena ke ramaatlakamoka, mokgonatšohle, motlalagohle, motsebatšohle; o tseba dilo tšohle, mafelo ohle, dinako tšohle, maatla ohle. Yena ke Modimo, gomme A ka se kgone go fetoga.

<sup>47</sup> Bjale, nka kgona go dira sephetho, gomme ka re go ya go ba ka tsela *ye*. Gomme ke ne magomo. Ke tla swanela go fetoga, gobane dilo di tla godimo moo, ke, ke tla swanela ke go re, “Gabotse, ke be ke le phošo.”

<sup>48</sup> Eupša Modimo a ka se kgone go dira seo, gobane sephetho sa Gagwe se tee ke seo go ya go ile. Ga A kgone go fetola diphetho tša Gagwe. Ga A kgone go se fetola.

<sup>49</sup> Kagona, ge mokgwatebelelo wa Modimo go modiradibe yo motee gomme a nyakile go sokologa, Adama le Efa, Modimo o ba diretše tsela ya go sokologa, gomme O lebaletše modiradibe yola; gomme modiradibe wa go latela o a tla, Modimo o swanetše go dira selo sa go swana go modiradibe yola, goba O dirile phošo ge A dirile go modiradibe wa mathomo.

<sup>50</sup> Ge motho a be a babja, gomme Modimo a fodišitše motho yo motee; gomme ka gona ge eba motho yo mongwe o tla go Modimo, O swanetše go dira selo sa go swana, goba O dirile phošo ge A fodišitše wa mathomo, ge a etla ka lebaleng la go swana.

A lefelo la go khutša gona bakeng sa soulo ye e nyakago botšabelo!

<sup>51</sup> Bjale, “Mathomong go be go le Lentšu, gomme Lentšu le be le le le Modimo.” Bjale, re makala kafao le—le lefase le kilego la ba mo. Le a bona, le—le Lentšu la Modimo le hlotše lefase. Bahebere 11 e a re botša, gore, “Lefase le dirilwe go tšwa go dilo tše di sa bonagalego.” Le a bona? Modimo a boletše la ba gona, gobane O be le Modimo. O nno re, “A go be,” gomme go bile bjalo. Kagona, ge . . .

<sup>52</sup> Mathomong go be go le Lentšu, gomme Lentšu le le boletšwego e be e le Lentšu la go hlola, gomme Lentšu le lengwe le lengwe le boletšwego le ka se kgone go bušetšwa morago, bakeng sa phošo. Ka gona, “Mathomong go be go le Lentšu, gomme Lentšu le be le le Modimo, gomme Lentšu le be le le Modimo. Gomme Lentšu la dirwa nama, le go dula magareng ga rena,” e lego Kriste.

<sup>53</sup> Gomme bjale Lentšu la Modimo, le ngwadilwego ka Beibeleng, ke Lentšu la Gagwe go rena. Gomme tshepišo ye nngwe le ye nngwe e na le maatla a go swana a tlholo ka morago ga yona, ao Lentšu la Modimo le a dirilego go tloga mathomong, ge re Le dumela go ba Lentšu la Modimo. Go ya ka gore peu e wela kae. Ge E wela ka mobung, mo—mo mobu o kgonago go hlola. Mo—mo monola, goba phepo, go dikologa tshepišo ya Modimo, e tla tšweletša tshepišo ye nngwe le ye nngwe Beibele e e dirilego. E no ba bjalo ka... Gobaneng, mokgwatebelelo wa maleba wa monagano go lebanya tshepišo Kgethwa e ka ba efe ya Modimo o tla e tliše go phethega, ge o ka no e lebelela, le go no hlokomela Lentšu feela gabotse. Gobane Modimo mohlokamagomo o le boletše: Lentšu la Modimo.

<sup>54</sup> Jesu o rile, “Magodimo le lefase di tla feta, eupša Lentšu la Ka le ka se tsoge la feta.” Oo, re swanetše go khutša bjang godimo ga tshepišo Kgethwa yela ya Morwa wa Modimo, Yo a rilego, “Bobedi magodimo le lefase di tla feta, eupša Lentšu la Ka le ka se tsoge la feta.” Go ne lefelo la go khutša la soulo.

<sup>55</sup> Bjale, Jesu o boletše, ka Lentšung. Jesu o rile, “Ge le kgopela Tate e ka ba eng Leineng la Ka Ke tla se dira.” Eupša dinako tše dingwe, ge Modimo a dira se sengwe le go dira se sengwe se re se kgopelago, efela, ga re... Se tla ka tsela ya go se letelwe, gomme dinako tše dingwe ka go lefelo la go se letelwe, le ka nako ya go se letelwe. Eupša Modimo o tla araba ka tsela ya Gagwe Mong, ge le ka no se dumela. Le a bona? Le a bona?

<sup>56</sup> Le swanetše go se dumela, le se amogele, gomme ka gona le se se bušetše morago. Swarelelang go sona. Se swareng, gomme le re, “Se ke sona. Modimo o se boletše. Seo se a e rumu. Ge Modimo a boletše bjalo, seo se fedile, ga go kgathale botelele gakaakang.” Go ka no be go se gwa ba molekule wo o bego gona ge A rile, “A go be” bakeng sa lefase. Eupša, Yena, Yena ke wa Gosafelego. Gomme morago ga lebakana, gwa ba dimolekule le diathom. Gomme la tla godimo, gobane O le boletše go ba ka tsela yeo.

<sup>57</sup> Gomme tshepišo še, le yona, gore re ka kgona go nagana. Ge Yena, Yena a boletšegeo seo, a tlišitše Lentšu le lengwe le le lengwe go phethega, gona O ya go ba le kereke go tšweletša pele ga Gagwe, ntle le sepatso goba lengalatsep. Gomme go ya go re swanela, ngwanešu, kgaetsedi, ka kgonthe go ba le nnete gore re lokile le Modimo, gomme ka gobane go ya go ba Kereke, gomme re nyaka go ba karolo ya Kereke yeo.

<sup>58</sup> Ga go kgathale se se se lego mo lefaseng, re nyaka Toropokgolo ye Moagi le Modiro wa yona e lego Modimo. Gomme re ka se kgone go loba yeo. Eng kapa eng le e dirago, le se lebale seo. Ga go kgathale se moagišani a se dirago, se moisa yo mongwe a se dirago, se mogwerago wa sekolo a se dirago, goba se monnamogatša wa gago, goba mosadimogatša wa gago, goba

e ka ba mang gape. Ke ta—ta taba ya sebele le wena le Modimo. O swanetše, o swanetše go no nyaka phološo.

<sup>59</sup> Tatago a ka no ba a be a le monna yo mogolo, mmago motho yo mogolo, eupša go reng ka wena? Le a bona? Le a bona? Ke wena. O swanetše go ba le yona, wena mong. Go lokile.

<sup>60</sup> Bjale, ge Jesu a rile, “Ge le kgopela Tate e ka ba eng Leineng la Ka, Ke tla se dira.” Bjale, seo se no ba thwi go otlologa go theoga go tloga legetleng. “Ke tla e dira.” Gomme O be . . . Bjale, ke ka dipeelano, “Ge o ka dumela ge o kgopela.”

<sup>61</sup> Bjale, ka go Mareka 11:22, re hwetša gore Jesu o rile, “Ge o ka re go thaba ye, ‘Tomolwa gomme o lahlelwe ka lewatleng,’ gomme wa se belaele, eupša wa dumela gore se o se boletšego se tla tla go phethega, o ka kgora go ba le se o se boletšego.” Le a bona?

<sup>62</sup> Bjale, bjale, selo, o ka se no tšwela ntle mo gomme wa re, “Thaba, šuthela fase.” O swanetše go ba le maikaelelo le maikemištšo go seo, le a bona. Gomme seo, o swanetše go hwetša, pele, ge eba ke thato ya Modimo, gomme ka gona maikaelelo le maikemištšo a gago go thato ya Modimo. Gomme ka gona bolela go yona, gomme o eme fao. E tla tla fase, ya, le a bona, ge o bea maemo gabotse. Eupša o swanetše go ba le maemo gabotse.

<sup>63</sup> Bjale, le swanetše le elwelwe, gape, gore, ge Modimo a araba, nako ye nngwe ke ka tsela ya go se letelwe. Yena ga a fetoge, eupša O dira dilo ka ditsela tša go se letelwe. Bjale, a re nong go bitša ta—ta taba goba tše pedi, pele re tšwelapele.

<sup>64</sup> A re naganeng ka Moshe. Ke rata go ithuta ka Moshe. O be a le monna wa mogale kudu, gomme o re file Testamente ya Kgale, ka maatla a Modimo.

<sup>65</sup> Gomme dinako tše ntši mokamaki o re, “Bjale, Moshe o ngwadile Yeo, gomme re tseba bjang Ke nnete?”

<sup>66</sup> Gabotse, o ka no ya morago gomme wa netefatša gore ke nnete. Gomme ge Yo a kgonago go bolela se se bego se le, le, goba se se tla bago, le se se bego se tla direga ka morago ga gagwe, gomme seo sa tla go phethega, gona ke a dumela gore seo e be e le nnete, le sona, le a bona. Le a bona? Go no swana le ge—ge re ka kgora go ema mo godimo . . . ka kerekeng, gomme Moya yo Mokgethwa wa kgora go ya morago go theoga go kgabola bophelo bja gago gomme wa go botša se se bilego, gomme o a tseba ge eba seo ke therešo goba aowa. Gabotse, ge o tseba, gomme o tseba gore yeo ke therešo, gona ka nnete o ka kgora go dumela se A go botšago se tla tla go phethega, se tla ba fao, gobane se se fa bohlatse bja seo. Le a bona? Gomme yeo ke therešo.

<sup>67</sup> Gomme kafao re a bona, bjalo ka dihlatsé, tša Bahebère 11 le mafelo a mantši ka Beibeleng, gore bagale ba tumelo ke bao

ba dutšego le tshepišo ya Modimo. E no dula thwi fao, ga go kgathale se e ka ba mang gape a se bolelago, gomme Modimo o tla go fa sona ka nako ye botse ya Gagwe mong.

<sup>68</sup> Bjale, Moshe o ile tlase ka Egepeta, goba o be a le ka Egepeta, a ke re. O tswaletšwe tlase kua. Ngwana wa maleba, batswadi ba gagwe ba bona o be a le, ba bone gore o be a le. Gomme ba be ba sa boife taelo ya kgoši.

<sup>69</sup> Gomme ka gona ge, Moshe, o rutilwe ke mmagwe! A morutiši yo botse, mmagwe mong, gomme o be a kgoni go mmotša dikanegelo. “Moshe, o morwa wa ka, eupša o tswaletšwe morero. Gomme Modimo o tla go šomiša letšatši le lengwe go lokolla Israele.”

<sup>70</sup> Gomme morago ga lehu la—la mmagwe yo bohlokwa, ka gona ke a nagana Moshe o bile mmuši yo mogolo, goba kgauswi le Farao fao, o be le mojabohwa go terone. Ka gona letšatši le lengwe a kwela baena ba gagwe.

<sup>71</sup> Gomme maikutlo nako ye nngwe bakeng sa se sengwe, efela, le ge re ikwela, re swanetše go dira ka tsela ya Modimo, go dira mošomo o dirwa ka maleba. Nnete.

<sup>72</sup> Bjale, ke a dumela gore Modimo o ne kgaogelo godimo ga bohle baswarwaketlala le batlaišegi, gomme—gomme re na le mehuta yohle ya—ya mekgatlo go feta baswarwaketlala le dilo. Ke a dumela seo ke selo sa go makatša. Eupša efela mošomo wa kgonthe ke Ebangedi. Woo ke mošomo wa kgonthe, ke Ebangedi, go tšea Ebangedi.

<sup>73</sup> Bjale, re a hwetša, gore, morago ga go ikhwetša a le mopalelwya yenamong, ka go mediro ya gagwe mong. Gobane, o be a le monna wa setswerere, monna wa sešole. Gomme o be a le. O hweditšwe go šitwa. Ka gona o—o tšhabetše mošomo, a ya ntle ka lešokeng gomme o be a le ntle kua lebaka la mengwaga ye masomenne. Gomme o bile le mosadimogatša, le go ya pele, le bana ba gagwe, goba ngwana, a ke re, Gerisome.

<sup>74</sup> Bjale, selo sa go se tlwaelege ke, ka pitšo ya Modimo ka bophelong bja gagwe, ke a eleletša Moshe ga se a tsoge a kgoni go tšhabela yeo; ga se a tsoge a kgoni.

<sup>75</sup> Gomme go ka no ba batho mo bošegong bjo ba re theeditše thwi, gore tlase go kgabola bophelo bja gago, felotsoko, o ikwetše go bile pitšo ka bophelong bja gago, gomme ga se wa no tsoge wa e arabela. O tla ba manyami ge feela o phela, go fihla o arabela bophelo bjoo.

<sup>76</sup> Ka gona ga go pelaelo go ne batho mo bošegong bjo ba e sa lego ba nyaka Moya wo Mokgethwa lebaka la mengwaga. Gomme o no re, “Gabotse, ga—ga ke tsebe. Ke swanetše go O amogela. Ke . . .” Gabotse, o ka se tsoge, tsoge wa kgotsofala go fihla o dira, le a bona, gobane o ripilwe go tšwa go woo. Gomme bjale o swanetše go dira woo selo sa pele ka bophelong bja gago.

Ge eba o ja gape, goba ge eba o nwa gape, goba ge eba o robala gape, goba e ka ba eng o e dirago, o swanetše go hwetša Woo. Yeo ke nnete. Seo e swanetše go ba selo sa pele. Yeo ke yona. E no dula thwi le tshepišo ya Modimo. O go tshepišitše Wona, kafao e no dula thwi le wona, le a bona, gomme Modimo o tla e tliša go phetehaga.

<sup>77</sup> Bjale, gomme A ka no e dira ka nako ya go se letelwe. O re, “Gabotse, Ngwanešu Branham, ke be ke šoma thata lehono, gomme ke lapile gannyane. Gomme ga se ke ikwe gabotse lebaka la matšatši a mararo goba a mane.” Yeo e ka no ba nako. Le a bona? O ka se tsoge wa tseba e ya go direga neng.

<sup>78</sup> Nka ema makga a makae, gomme lebaka la matšatši go bolela boitemogelo, ge ke eya dikgweng, go nyaka Morena, gore me—me meetlwa e nngapile, gomme dinonyana di ntenne, gomme menang ya ntoma. Moo e no ba ge Modimo a lokišetša go dira se sengwe, thwi nako yeo. Feela ge—feela ge se sengwe se bonala sohle se se sa letelwa, nako yeo Modimo o tsea lefelo, o a swara.

<sup>79</sup> Bjale lebelelang Moshe. Moshe, modišadinku yo mogolo yo wa go tšofala bjale, o be a šetše a le mengwaga ye masomeseswai bogolo. O be a le mosomenne pele a be a tšea go emela Modimo. Gomme morago o dišitše dinku ntle kua, gomme ke a thanka o bile mengwaga ye masomenne ka leganateng. Gomme o be a eba mokgalabje, mohlomongwe maledu a mapudupudu, le moriri wo motelele wo mopududu wa go ela. Gomme o be a le mo, e sego ka kerekeng; o be a le tlase ga Thaba ya Horebe. Gomme Modimo ga se a tsoge a tla fase ka therò, eupša ka sethogweng sa go tuka; le a bona, nako ya go se letelwe, lefelo la go se letelwe, le ka tsela ya go se letelwe.

<sup>80</sup> Gobaneng, o naganne Modimo o be a tla kopana le yena ntte kua le lepara la gagwe ka seatleng sa gagwe, goba tšoša, goba e ka ba eng a bolailego Moegepeta ka yona.

<sup>81</sup> Eupša Modimo o kopane le yena ebile e sego ka kerekeng; tlase ga thaba. Modimo ga se a kopana le yena ka dipineng, eupša ka sethogweng se se tukago. Gomme e sego ge a be a le lesogana, eupša ge a be a le mokgalabje. Modimo o mmeditše morago ga ge a be a le masomeseswai a mengwaga bogolo.

<sup>82</sup> Naganang ka yona. Kafao dinako tše dingwe re a nagana, gobane re masometharo hlano goba masomenne, e ka ba eng o lego yona! Ga se wa tsoge wa tšofala kudu. O na le soulo ye e swanetše go phela go ya go ile. Kafao e no elelwa, ka mehla go ka tsela yeo: Modimo, Modimo wa go se fetoge, ka nako ya go se letelwe, tsela ya go se letelwe, ka go lefelo la go se letelwe.

<sup>83</sup> A re tšeeng Jakobo. Jakobo o be a tšhaba. O ile a swarwa gare ga mello ye mebedi. Bjale o be a eya gae. Gomme Labane, ratswalagwe, o be a etla ka tsela *ye*, ka morago ga gagwe, gobane mosadimogatša wa gagwe o be a utswitše badimo ba bona. Gomme nako yeo o hweditše Esau o be a etla ka tsela *ye*,

ka morago ga gagwe; ngwanabobo, yo a mo radiilego. Bjale, yeo ka nnete e be e le nako ya go se letelwe bakeng sa Modimo go mo etela. Eupša o be a . . . Labane šo o tla ka tsela *ye*. Gomme Labane šo o tla ka tsela *ye*, gomme Esau ka tsela *ye*. Eupša Jakobo o tshetše nokana ye nnyane, gomme ka gona a tsena tabeng. Gomme mohlomongwe lekga la mathomo ka bophelong bja gagwe, o ile a swara se sengwe se e bego e le kgonthé, gomme o be a kgona go swarelela go fihla tšhegofatšo e etla.

<sup>84</sup> Yeo e tla ba thuto ye kgolo bakeng sa rena bohole. Ge gatee o swere se sengwe se e lego kgonthé, swarelela go sona. O se ke wa be wa se tlogela. Ga go kgathale letšatši le feta ka godimo makga a makae, goba e ka ba eng e diragago, ke mahloko a makae a tlala a tlago, e ka ba eng go fetiša, swarelela go sona go fihla o šegofatšwa ka sona, go fihla o eba le tshepišo ya sona. Swarelela.

<sup>85</sup> O beile mosadimogatša wa gagwe, le bohole, kgole go tloga go yena, gomme a ikaroganya yenamong, gomme a swarelela gobane o be a swerwe gare ga mello ye mebedi. Gomme Modimo o kopane le yena ka tsela ya go se letelwe, ka nako ya go se letelwe, ka go lefelo la go se letelwe. Moo ke mo Modimo a kopanego le yena.

<sup>86</sup> Jesaya moprofeta, moisa yo moswa, o be a itshamile godimo ga letsogo la kgoši ya go loka, gomme o be a le monna wa go loka. Gomme o bile le dilo bonolo. Eupša letšatši le lengwe kgoši a hwa. Gomme Jesaya moprofeta o ile tlase aletareng ka ntlong ya Modimo. Gomme ge a be a sa rapela kua, o ile a swarwa gare ga dibe tša gagwe le pono. Gomme o ile a goelela ntle, "Wa madimabe ke nna," ge a bone Barongwa ka diphego godimo ga difahlego tša Bona, diphego godimo ga maoto a Bona, gomme ba fofa, ba goelela, "Mokgethwa, mokgethwa, mokgethwa go Morena." O gooleditše, "Wa madimabe ke nna, gobane ke nna motho wa dipounama tša ditšila." O swerwe ka go nako ya go se letelwe, lefelo la go se letelwe.

<sup>87</sup> O naganne, "Ke tla ya tlase le go bolela dithapelo tša ka, le go phagama le go ya pele, gobane batho ba dumela gore ke nna moreri yo mokaone, goba modiša, goba sengwe se sengwe." Eupša o swerwe kua. Ga se a swarwa feela ka go seemo se le pono, eupša o be a swerwe le dipounama tša ditšila ka ntlong ya Modimo wa go phela.

<sup>88</sup> Oo, ngwanešu, ge yeo e ka puruputša ntle go kgabola toropokgolo ye bošegong bjo, le gosasa mosong, ya badiredi ba ba ka emago le go bolela gore ga go selo se sebjalo bjalo ka phodišo Kgethwa, gomme ga go selo se sebjalo bjalo ka kolobetšo ya Moya wo Mokgethwa, go tla ba bontši kudu bo goelelagot ntle "Wa madimabe ke nn, ka dipounama tša ditšila." Ke therešo, ee, bontši kudu bjalo.

<sup>89</sup> Bana ba Bahebere, bjale, ba be ba swerwe ka bothateng kudu le bona. Ba be ba swerwe ka go lefelo la go se letelwe, moo ba kopanego le Modimo, bakeng sa Modimo go tla go bona ka

leubeng la mollo; nako ya go se letelwe, tsela ya go se letelwe. Eupša Modimo ke wa go se fetoge, Modimo wa go se fetoge, gomme O dira dilo ka tsela yeo; ka go lefelo la go se letelwe, nako ya go se letelwe, le go ya pele.

<sup>90</sup> Israele e kgopetše kgoši ye maatla. Ba be ba nyaka kgoši go ba namolela. Seo ke se ba bego ba letetše Modimo go ba romela, e be e le kgoši, go ba namolela, kgoši ye maatla ye e tla matšhago boka Dafida. “Morwa wa Dafida o be a tla tsoga, a tla go theoga mekgoba ya Legodimo, a sepela go theogela lefaseng ka tumedišo ya go tlala ya Morongwa, gomme Tate o be a tla lebelela go tšwa Legodimong gomme a re, ‘Ke romela Mesia tlase go lena bjale.’” Gomme ba bile le yona e lokišitšwe gore ye ke tsela A swanetše go tla.

<sup>91</sup> Eupša ba hweditše eng? Ba hweditše lesea go na le kgoši ye maatla, lesea le tswetšwe ka se—se setaleng se sennyane, lehlakoreng la patoga ya thaba, setala sa lewa se sennyane le lehlaka, le morole go tšwa go diphoofolo, le le—le lesea. Eupša e be e le karabo ya thapelo ya bona. O be a le tlwa se ba bego ba se hloka. Eupša ba be ba e nyaka ka tsela ya bona beng. Ba e nyaka ka tsela ye ba—ba nagannego e be e le ye kaonekaone. Eupša Modimo o tseba mokgwa wa go e romela ka tsela ye A tsebago ke ye kaonekaoene, gobane Yena ke Modimo mohlokamagomo, gomme O tseba feela mokgwa wa go e romela.

<sup>92</sup> O tseba ditlhoko tša gago. O tseba mokgwa wa go e tliša go wena. Eupša bothata bja yona ke, gobane ga e tle ka tsela ye o naganago e tlemega go tla, ka gona o nolega moko gohole, gomme o e neela morago go Yena. A re Mo kgopeleleng, le go dumela gore O tla e romela feela ka tsela ye A nyakago go e romela. Le go e amogela godimo ga motheo. Yeo ke nnete. Le a bona?

<sup>93</sup> Ge le Mo kgopela, le se Mo dire moaketši. Ga A kgone go aketša. O tshepišitše, “Kgopelang Tate eng kapa eng Leineng la Ka, Ke tla se dira.” Bjale, Modimo ga a kgone go aketša. Mo kgopeleleng gomme e tla dirwa. “Nyakang, le tla hwetša; kokotang, o tla bulwa.” Re dumela seo. Nnete re a dira.

<sup>94</sup> Ba ne legopo. Kafao ba dirile eng? Ba bile le Lesea le lennyane le ka legopong. A leo be e le Kgoši ye maatla? Ba Mo ganne. Ee, mohlomphegi. Gobaneng? Ga se A tla ka tsela ye ba bego ba Mo letetše go tla.

<sup>95</sup> Gomme, bagwera, le ka no nagana e be e le selo sa go befa. Se be se le. Eupša, le a tseba, re ne molato wa selo sa go swana. Re ne molato wa selo sa go swana. Re kgopela Modimo dilo, gomme ka gona re sepela go dikologa, gomme—gomme, ge A sa no tšhollela se sengwe godimo ga rena le go re fa se sengwe se re naganago re tlemega go ba le sona, gona re no se neela morago. Le a bona? Le se ke la dira seo. Mo kgopeleleng. Dulang thwi le sona. Ee, mohlomphegi. Swarelelang go sona ge le tseba ke sa kgonthe.

<sup>96</sup> Gomme ke eng sa kgonthe go feta Lentšu la Modimo? “Gomme Lentšu la Modimo le dirilwe nama, gomme la dula magareng ga rena, Kriste.” Gomme bjale Kriste o rometše Moya wo Mokgethwa. Gomme Yena ke Modimo, ka go Moya, kafao gona swarelala go Wona. Ge Moya wo Mokgethwa o le mo le go re fa tshepišo, dulang le yona.

<sup>97</sup> Bothata ke eng ka rena, batho ba Pentecostal, ba ba ipolelago go ba le Moya wo Mokgethwa gomme ba boifa go tshepa Modimo e nyakile go ba go e ka ba kae kapa kae? Bothata ke eng? Re e letetše ka tsela tsoko ye nngwe.

<sup>98</sup> Ke nagana seo, seo re se dirago, ke tla le botša therešo, ke nagana re e letetše, Modimo go tla ka gare le go re ntšhetša ntle ka go mokgahlo wo mogolo wa mohuta *wo* le mohuta *woo*. Gomme ge o dira, o aga tswalolemolato kgahlanong le ngwanenyo mongwe. Dilo tše re swanetšeego go di dira, ngwanešu, ke go lebala ka yela. Mekgahlo ya lena e lokile.

<sup>99</sup> Eupša se re se nyakago ke Bakriste ba go tswalwa gape le phološo ka pelong ya bona, le maatla a Moya wo Mokgethwa ka fao, go ratana seng sa rena, le go ngangologela ntle; le go ba le maikutlo bakeng sa seng sa rena, maikutlo a letago, dikholofelo tša maikutlo, le marato a bona. Seo se re tlema mmogo. Seo ke se Modimo a nyakago re eba le sona. Yena ke Modimo mohlokamagomo, gomme ga A kgone go fetoga. Mantšu a Gagwe, ga A kgone go A fetola.

<sup>100</sup> Bjale šetšang. Kafao ba Mo ganne gobane ga se A tla ka tsela ye A... ba bego ba e letile go ba. Gomme re a hlokomela, eupša O tlile ka sebopego sa Lengwalo. O tlile tlwa go ya ka po—po polane ya Lengwalo. Gomme se sengwe le se sengwe sa tše se dirile, le sona, lefelong la maleba, ka nako ya maleba, le ka tsela ya maleba. Modimo ka mehla o se dira ka tsela ya Gagwe, gomme ke tsela ya maleba.

<sup>101</sup> Bjale, Moshe, gobaneng a be a ka belaela? O be a biditše tswaleng. O be a le lesea ge Modimo a be a mmitša. O be a tswetšwe ka lefaseng bakeng sa morero. O be a tswetšwe e le moprofeta. Go be go se gwa swanelo go ba selo se sethata go Moshe go nagana seo, go ba go se letelwe, gobane o be a swanetše go be a letetše Modmo go mmitša.

<sup>102</sup> Jakobo, Modimo o be a sa tšo bolela le yena gomme a rile, “Jakobo, boela gae. Ke tla ba le wena le go go atiša. Ke tla dira peu ya gago boka mašabašaba a lewatle.” Gobaneng a be a se a letela bjalo—bjalo, nako yeo, bakeng sa Modimo go tla go yena bošego bjola ge Labane a be a etla ka tsela e tee, gomme Esau ye nngwe? Efela Modimo o be a mo tshepišitše. Amene.

<sup>103</sup> Ke lena fao, bagwera. Ge Modimo a dira tshepišo, gomme kganetše e tsoga, yeo e no ba go leka ge eba ka kgonthe o ne Lentšu, goba aowa. Monna yo a nago le gauta ye botse ga a tshwenyege go ya go matlapa teko. Le a bona? Yeo ke therešo. Le

a bona? Ke feelsa . . . Petro o rile, ke a dumela e bile, gore, “Meleko ye e tla go re leka, go re leka,” go bona se re tla se dirago ka wona. Yeo ke nnete. Ge o hwetša Moya wo Mokgethwa, gomme—gomme monnamogatša a eya go go leleka go tšwa ka ntlong, goba—goba mme o ya go go dira o tlogele legae, tšona dilo, o se ke wa ineeda wa boela morago ka lefaseng. Yeo e no ba nako ya teko.

<sup>104</sup> Jakobo, o tlemegile go ka be a tsebile bokaone go feta seo. Eupša o be a bile mohuta wa go senya bontši bja bophelo bja gagwe, gomme a kitima go dikologa, le go ya pele, go tloga *mo, kua*. Gomme o . . . Ke rata se a se boletšego fao. “Ke tshetše Jorodane ye ka lepara feelsa. Gomme bjale ke bowa morago ka go madira a mabedi, ke tla morago, ke oketšegile kudu.” Gomme o rile, “Esau šo, ngwanešu wa ka, o tla ka tsela *ye*. Gomme ratswalake o godimo *mo*, morago ga ka.” Gomme seo, ge a tsene ka go seemo sa mohuta woo, eupša o ile lefelong ja maleba, gomme a thoma ka go se letelege, ke a thanka, go hwetša karabo.

<sup>105</sup> Eupša Modimo o tlide fase, gomme o bile le phenkišano ya go katana, gomme a dula le Modimo, gomme a swarelala go fihla tshelogatšo e etla. Ke rata Jakobo ka go tsela *ye*. Ge gabotse a bone se sengwe se se bego se lokile, ge a bile le seatla sa gagwe godimo ga se sengwe se e bego e le therešo, o swareletše go sona go fihla a hweditše dipolo.

<sup>106</sup> Oo, ge re ka dira seo! Ge kereke e ka no dira seo, ge le ka no kgodišega gore ke nnete, le go tseba gore ke tshepišo ya Modimo, gomme e ka se kgone go šitwa! Le no . . . E ka se kgone go šitwa.

<sup>107</sup> Yo mongwe o bolela go go ntšha go yona, o re, “Ke ya moloko tsoko wo mongwe. E be e se ya rena.” Gomme seo—seo ga se Lengwalo.

<sup>108</sup> Jesu o rile, ka go Mareka 16, “Eyang ka lefaseng lohle, rerang Ebangedi go sebopša se sengwe le se sengwe. Maswao a a tla latela bona ba ba dumelago,” Le a bona? Kae? Bokgole bjo bokae? Lefase lohle, sebopiwa se sengwe le se sengwe. Maswao a a tla latela ka go lefase lohle, go sebopiwa se sengwe le se sengwe se se dumelago.

<sup>109</sup> Petro o rile, ka Letšatši la Pentecost, “Gobane tshepišo ke ya lena, le go bana ba lena, le go bona ba ba lego kgole, le ba bantsi ba Morena Modimo wa rena a tlago go ba bitša.”

<sup>110</sup> Le ya go e dira bjang? Ebangedi e swanetše go rerwa, le go lefase lohle, go thoma Jerusalema. Luka 24:49, O rile, “Letang lena ka toropongkgolo ya Jerusalema go fihla le hlamišwa ka maatla go tšwa Godimo.”

<sup>111</sup> “Morago ga Moya wo Mokgethwa,” Ditiro 1:8, “Moya wo Mokgethwa o tlide godimo ga lena, ke gona le tla ba dihlatsi tša Ka ka Judea, Samaria, le dikarolong tša ntentle tša lefase.” Mogohle, Moya wo Mokgethwa o bea bohlatse ka maswao le matete a latela.

<sup>112</sup> Re ya go e tšhabela bjang? Ke tshepišo ya Modimo. Le se dumelele diabolo. O leleme le boreledi ka mo a kgonago go ba, gomme le kudu, go bonagala a le, motho yo a badilego Lengwalo. Eupša o a Le phetla go le dira le bolele se sengwe se Le sa se bolelego.

<sup>113</sup> Gomme efela, Beibele e rile, “E pepeneneng kudu go fihla ebile le lešilo le ka se foše ka tseleng ye.” E no swarelela go tshepišo ya Modimo gomme swarelela go yona. Swarelela go yona yela go fihla o swarelela go ye nngwe. Ge o bona e tee *ye* e arabilwe, gona swarelela go ye nngwe *ye*. Ka gona swarelela go ye nngwe *yela* go fihla o hwetša ye nngwe gape. Ka gona nno tšwelapele o namelela.

<sup>114</sup> Ge khwaere yela e be e opela bošego bja go feta, tlase mo ke—ke kerekeng ye nngwe, kerekeng ya Ngwanešu Outlaw, e re; tikologo ya mathomo e be e le tswaloleswa, gomme ka gona o tšwetše pele, yo mongwe o fihlile felotsoko gape. Gomme morago ga lebakana o ile go feta Mars, Jupitere, gomme a thula Tsela Bošweu bja Maswi, gomme a no tšwelapele a eya. Ke—ke rata yeo. Le a bona? E no tšwelapele o namelela, tikologo ka tikologo.

<sup>115</sup> Tšea go swarelela tshepišo ya Modimo, e re, “Modimo, O tshepišitše go mphološa.” Swarelela go yona. Dula thwi fao go fihla o phološitše. “Modimo, O tshepišitše go ntlatša ka Moya wo Mokgethwa.” Dula thwi fao go fihla o tladitšwe ka Moya wo Mokgethwa. Ge o babja, e re, “O tshepišitše go mphodiša. Ke dula thwi fa go fihla O mphodiša.” Ke lena bao. Yeo ke tsela ya go e dira. Dulang le yona.

<sup>116</sup> Modimo ke mohlokamagomo. Yena ga a fetoge. Yena ga a kgone go fetoga. Gomme O e dira ka tsela ya go se letelwe, eupša swarelela go fihla e etla. O se ke wa botša Modimo eng, ka mokgwa wo o Mo nyakago a e dira. O tla e dira ka tsela ye A nyakago go e dira. Le a bona? O se ke wa Mmotša mokgwa wa go e dira.

<sup>117</sup> Bjale šetša. Bjale re a hwetša gore Jesaya o tšwetše a le mophrofeta. Bjale, o be a le mothalong wa mošomo ge a ba a le tlase kua aletareng. E be se selo sa go tlaba go mophrofeta go bona pono, kafao o swanetše go elelwa. O be a le thwi ka mothalong wa mošomo. Kafao, o be a se ka ntle ga Lengwalo; o be a le thwi ka Lengwalong.

<sup>118</sup> Modimo o rile, “Ge go le yo motee magareng ga lena, yo a lego wa semoya, mophrofeta, Nna Morena Modimo ke tla itira Nnamong go tsebja go yena. Se mophrofeta yo a se bolelagoo ge se etla go phethega, gona mo kweng. Ge se sa dire, mo ganeng.” Kafao, le a bona, Jakobo o be a le mothalong wa Lengwalo. Moshe, ka mothalong wa Lengwalo.

<sup>119</sup> Gomme, Eliya, a re tšeeng Eliya mo. Ke nyaka go re go yena, bjale, o tšwetše ntle kua lešokeng gomme a ba le dimutsi. Gomme Modimo o mo romile, a mo fepa ka Morongwa, gomme a mmea ka

lešokeng, gomme o be a tlaruma lebaka la matšatši a masomenne le mašego. Gomme selo sa pele le a tseba, go diregile eng? O tlie godimo, morago ka leweng. Gomme moprofeta morago kua, o kwele phefo ya go kitima, e tšutšutla, e foka. O kwele maswika a rora, se sengwe le se sengwe. O naganne, “Gabotse, seo se lokile. Ke bile godimo ga Thaba ya Karamela. Ke a tseba O a araba, modumo, le legadima, le pula. Ke a e tseba.” Eupša, seo se swerego moprofeta, e bile Segalontšu se sennyane sela sa setu sa go se letelwe.

<sup>120</sup> Moo ke mo e dirago ba bantši kudu ba rena batho ba Pentecostal go taboga. Le a bona? Re letetše se sengwe ka tsela ye nngwe, ge Modimo a se tliša ka tsela ya Gagwe mong. Le a bona? Re nagana gore, se, re swanetše go tla ka tsela ye re se letelago. Eupša Modimo o se romela ka tsela ya Gagwe mong, tsela ye A nyakago go se dira—go se dira.

<sup>121</sup> Bjale, Jesu. Ge ba kgopetše kgoši, Jesaya 9:6, o rile, “Re tswaletšwe Ngwana, Morwa o filwe: mmušo wa Gagwe o tla ba godimo ga magetla a Gagwe.” “Kgarebe e tla ima, gomme ya belega Ngwana. O tla bitšwa Imanuele.” Gomme, gobaneng, O tla tlwa ka mothalong wa Mangwalo. A O? [Phuthego e re, “Amene.”—Mor.] Feela tlwa se Lengwalo le se boletšego.

<sup>122</sup> Moshe o be a beilwe mothalong, eupša ga se gwa tla ka tsela ye a nagannego go be go tla ba. O naganne, “Ke tla ya tlase kua gomme ke bolaye Moegepeta yola. Yeo e tla ba yona, ka gona bana bohole ba Israele ba tla re, ‘Semangmang, o, le a bona, ke mofenyi wa rena.’” Eupša ga se ya tla ka tsela yeo. Eupša o be a sa le ka mothalong wa gagwe wa Mangwalo. Jakobo, bohole ka moka ga bona ba be ba le ka mothalong wa Mangwalo ge Modimo a šomile.

<sup>123</sup> Gomme ge re itliša renabeng go bewa mothalong le Lentšu la Modimo, le go swarelala go lona! “Nka kgona eng, Ngwanešu Branham, nka kgona go dira eng go bewa mothalong le Lentšu la Modimo?” E no Le tšea ka pelong ya gago gomme o Le dumele. Tshepišo ye nngwe le ye nngwe ke ya gago. Ke ya gago. O ka kgona go ba le yona. Ke ya gago.

<sup>124</sup> “Tshepišo ye nngwe le ye nngwe ka Pukung,” le a opela, “ke ya ka. Tema ye nngwe le ye nngwe, temana ye nngwe le ye nngwe, mothalo wo mongwe le wo mongwe. Ke tshepetše ka go lerato Kgethwa la Gagwe, gobane tshepišo ye nngwe le ye nngwe ka Pukung ke ya ka.” Le a bona?

<sup>125</sup> Ga go kgathale tshepišo ke eng, ke ya gago go le bjalo, gobane Modimo o go file yona. “Mang kapa mang a ratago, a a tle gomme a nwe go tšwa methopong, meetse a Bophelo, mahala.” Ke ya gago. Ke ya gago. Tshepišo e ka ba efe ke ya gago, ge o ne tumelo go e swanelia. Gomme e tla e dira, ge o ka no e dumela.

<sup>126</sup> Bjale, eupša ge Jesu a tlie, re a hwetša O tswetšwe ka legopong, kafao ka pelapela Bajuda ba se dumelane. Yena ga

se a tla ka tsela ye a naganego, ba naganne O be a tla tla, kafao ba nno Mo raka go tšwa go kopanelo ya bona. Gomme O be a se sa le ka go yona. Eupša šetšang se A se dirilego. Yena, ge A... Seo ga se sa Mo emiša.

<sup>127</sup> Ge Pentecost e tswalwa la mathomo, kereke e ile ya rakwa, le yona. Seo ga se sa ke sa emiša molaetša. O ile pele go no swana. Jesu a ka se emišwe.

<sup>128</sup> Ke mang a ka kgonago go emiša Modimo? O ka se kgone go e dira. Aowa. O ka se sa kgona go e dira. O ka kgonago emiša letšatši bonolo kudu. Eupša o ka se kgone go emiša Modimo. Lenaneo la Gagwe le ya go tšwelapele.

<sup>129</sup> Kafao e tlie ge dikereke morago kua di be di rapelela tsošeletšo. E tlie ka tsela ya go se letelwe. O bile le sehlopha sa bangwe, monna wa moihlwé wa lekhala godimo ka California, le ba—ba batlhaki ba se bakae mokgotheng, le dilo boka tše, gomme a ba tlatša ka Moya wo Mokgethwa. Gomme a thoma mollo, woo, lebelelang mo o ilego bjale.

<sup>130</sup> Ke kereke ye e golago ka lebelobelo ka lefaseng. Ba bile le basokologi ba bantsi kudu go feta tšohle ka moka ga tšona di beilwe mmogo. Ya. Yeo ke nnete. *Our Sunday Visitor*, lephethe la Katoliki, le boletše bjalo. Ba ngwadišitše dikete tše milione le makgolo tlhano.

<sup>131</sup> Eng? Lentšu la Modimo le sesa go ya pele, pele, le pele. Batho ba Gagwe ba ka se tsoge ba nyefa. Ke bona mašole, amene, gobane Lentšu la Modimo wa go phela le tuka ka dipelong tša bona. Yeo ke nnete. Modimo o ba romela dilo ka mafelong a go fapano, o a ba šegofatša, o ba tliša godimo. Bjale a re bolokeng monagano wa rena go Lentšu, le go Modimo, gomme re tšwelapele re eya pele.

<sup>132</sup> Bjale, le se ke la e aroša, la re, “Re ya go ba sehlopha se segologolo. Goba, re ne sehlopha se sekionaone ka toropong. Dihlopha tša go apara bokaonekaone di tla lefelong la rena,” goba se sengwe boka seo. Ge o na le seo ka monaganong wa gago, o wele thwi nako yeo. Le a bona? Ee, mohlomphegi.

<sup>133</sup> Enong go elelwa, kae kapa kae Moya o lego, fao go be go le Dibopiwa tša go phela. Yeo ke nnete. Dulang le Moya wa Modimo. Eng kapa eng le e dirago, dulang le Moya wola.

<sup>134</sup> Bjale, Jesu, ge A be a gola, O netefaditše O be a le Mesia yo ba bego ba rapetše bakeng sa gagwe. O ba laeditše leswao la Gagwe la Mesia. O netefaditše gore O be a le Mesia, ka maswao a A a dirilego.

<sup>135</sup> Lebelelang mosadi mo sedibeng ge A mmoditše dibe tša gagwe, gore o bile le bannabagatša ba bahlano. “Gobaneng,” o rile, “Mohlomphegi, re a tseba ge Mesia a etla, O tla re botša dilo tšohle.” Eupša o be a sa tsebe O be a le Mang.

O rile, “Ke nna Yena.”

<sup>136</sup> Lebelelang Nathaniele, ge a tlie morago le Filipi, gomme a sepeletše godimo ka Bogoneng bja Jesu. Gomme Jesu o mmoditše o be a le mang, moo a tšwago, se a bego a se dira. Oo, nna! E netefaditše. O rile, “Rabi, Wena o Morwa wa Modimo. Ke Wena Kgoši ya Israele.” Nna! Nnete. Gobane, ka eng? O netefaditše. O be a le. O be a le... bona...

<sup>137</sup> Ga se A tlišwa ka tsela yeo Israele e nagannego O tla neelwa ka yona. Ba naganne, “O be a tla ba Kgoši ye maatla ka lepara ka seatleng sa Gagwe, gomme a ya ntle le go itia Baroma godimo ga hlogo ka lona.” Eupša yeo e be e se tsela ya Modimo.

<sup>138</sup> E bile e be e se Lengwalo bakeng sa Gagwe go e dira ka go tleng gola. Go tla go go latelago ke mo A yago go dira seo. Ba na le go tla ga pele le ga bobedi go hlakahlakane, mmogo.

<sup>139</sup> Kafao O tla a le fase, bonolo, a dutše godimo ga moula, a o nametše. Gomme O tšwa go—go to—to toropokgolo ye nnyannyane magareng ga tšohle di—di diprofense tše kgolo. Gomme oo, Mangwalo a nno phethagatša go tla ga Gagwe, ka tsela ye A tla tlago, eupša ba šitilwe ke go e bona. Le a bona? Eupša O dirile leswao la Mesia, o netefaditse gore O be a le Mesia, gomme ba le gamme gobane O tlie ka tsela ya go se letelwe go bona. Bjale, ge ba ka be ba be ba rata go Mo amogela godimo ga motheo wa gore Modimo o Mo romile!

<sup>140</sup> A re ka kgona bosegong bjo, bjalo ka batho ba Pentecostal, go amogela Moya wo Mokgethwa godimo ga motheo wa gore Modimo o o rometše? A re ka kgona go letela Moya wo Mokgethwa go dira se Modimo a rilego O tla se dira ge O etla ka gare? A ke motheo wo re nyakago go o amogela godimo ga wona? Goba re nyaka go re, “Oo, ke a dumela ke amogetše Moya wo Mokgethwa *ge* ke be ke dumela. Ke šikintše diatla tša modiša wa ka, gomme, ke a go botša, ke—ke a dumela ke ne Moya wo Mokgethwa”? Seo ga se se Beibele e se boletšego.

<sup>141</sup> “Ge A etla, O tla paka ka Nna,” Jesu o boletše, le a bona, ge A etla.

<sup>142</sup> Bjale, O paka bjang ka—ka Modimo? O bo paka ka bophelo bjo A bo phelago ka lena. “Ka dikenywa tša bona le a tsebja.”

<sup>143</sup> O ka kgona go re, “Gabotse, Ngwanešu Branham, ke na le Moya wo Mokgethwa. Ke boletše ka maleme.”

<sup>144</sup> Ke dumela seo, le nna. Eupša ge bophelo bjola bo sa latele boitemogelo, gona go be go ne se sengwe sa phošo, le a bona, o swere selo sa phošo. Le a bona? Eupša ge o na le—ge o na le Moya wo Mokgethwa wa kgonthé, gomme o boletše ka maleme, gona bophelo bo a o latela. Gomme ka gona, ge o tteleima o bile le Moya wo Mokgethwa, gomme o bile le boitemogelo, gomme ka gona bophelo bja gago ga bo sepelelane le Lentšu la Modimo, gona o na le moya wa go fošagala. Le a bona? Gobane, “O ka se fulé diterabe go tšwa mo—mo mookeng.” O tseba seo. Le a bona? “Gomme ba tsebja ka dikenywa tša bona.”

<sup>145</sup> Gomme Jesu, ge A etla, a tteleima O be a le Mesia, O dirile mediro ya Mesia. Amene. O rile, “Ge ke sa dire mediro ya Tate wa Ka, gona le se Ntumele. Eupša ge Ke dira mediro ya Tate wa Ka, gona dumelang mediro.” A setatamente! Go swana le lehono, bjalo ka ge A tshepišitše ka go Bahebere 13:8, “Jesu Kriste o a swana maabane, lehono, le go ya go ile.”

<sup>146</sup> Dikerekemaina, mekgatlo ye megolo ya lefase, ba letela eng ge ba bona...tsošeletšo e phulega ka toropongkgolo? Dikerekemaina di letela eng? “Polelo ye kgolo ya bohlale. O swanetše go tla ka thuto ye kaone, mantšu a go kokomoga. Gomme a kgone, ka semelo, go hwetša tirišano mogohle, le—le se sengwe le se sengwe ka mokgwa woo, le lenaneo legolo le letona.” O dira eng? O iša godimo aletareng, boIsebele ba difahlego tša go pentwa ba ba sego ba tsoge ba hlapa, sehlopha sa baisa ba go kgoga sekerete ba ba tteleimago go ba Bakriste, gomme ba se ba ke ba tsoge ba otlolla bophelo bja bona, bo sa kgopamile bjalo ka manyoka a dinoga. O mpotša gore woo ke Moya wo Mokgethwa? Aowa, mohlomphegi.

<sup>147</sup> Moya wo Mokgethwa ke bokgethwa, le maatla a tsogo ya Jesu Kriste. Beibele e rile, “Jesu Kriste o a swana maabane, lehono, le go ya go ile.” Amene. Yeo ke therešo, ngwanešu wa ka, e sego go selela. Eupša e...

<sup>148</sup> Ke eng? Iša monna godimo kua, a ka kekeretša nthathana gannyane, le go konkoretša nthathana gannyane ka go leleme la gagwe, le go foša mopeleto wa a mangwe a mantšu, goba go a bitša ka phošo. Ka gona ba re, “Aa, ga go selo go moisa yola.”

<sup>149</sup> Go reng ka Dwight Moody wa lena, wo mongwe wa ba bagologolo le kilego la ba le bona ge e sa le go tloga ka Charles Finney. Yeo ke nnete. Go reng ka Moody? O be a sa kgone le go bala leina la gagwe, moruladieta yo monnyane wa kgale.

<sup>150</sup> Letšatši le lengwe o be a rerela makhokheni mošola ka Engelane, gomme o be a leka go bala Beibele gomme a e bitša ka phošo. Eng? Yena, ke nagana, o biditše Bafilisita, “Bafilisita,” goba se sengwe, mohuta tsoko wa lentšu a le dirilego. O ile morago seripa sa temana. O lekile gape. O naganne o be a tla ba le nako go leka go le peleta. A le foša gape. O ile morago gomme a bala selo sohle godimo, gomme a le foša gape.

<sup>151</sup> O tswaletše Beibele. Gomme o tsebile gore wona makhokheni a be a dutše fao, feela... E swanetše go ba bohlale go bona. O ile a tswalela Beibele. Gomme o rile, “Morena Modimo, ke tla bolela ka leleme le o nthomilego ka gare ka lona.” Ngwanešu, o ile a kgeila lefelo lela diripana. O e dirile. Megokgo e ile ya keleketa go theoga marama a gagwe.

<sup>152</sup> Kuranta ya tla go nyakišiša, go bona gobaneng a goga batho ba bantši kudu. Gomme kuranta ya tla gomme e ngwadile athekele, ya re, “Gobaneng e ka ba mang a etla go bona Dwight Moody?” O rile, “Selo sa pele, ke wa selegae go mo lebelela.”

Gomme o rile, "Selo sa go latela," a re, "o bolela ka nko ya gagwe. Ga a ne—ga a ne polelo ye botse." Gomme o rile, "Popopolelo ya gagwe e šokišašokiši go lefeela." Le go re, "O a šišimiša go mo lebelela. O nonne, le nkogoko, le tšitšiboya gohlegohle sefahlegong sa gagwe." Oo, ba mmiditše se sengwe le se sengwe, go nyakile.

<sup>153</sup> Molaodi wa gagwe o tlie godimo le go re, "Mna. Moody, sese se lephephe le se boletšego ka wena." O badile se se bego se le. "'Morena,' o rile, 'gobaneng e ka ba mang a etla go bona Moody?"

<sup>154</sup> Gomme Mna. Moody o nno fetiša lefoko le tee, o rile, "Huh. Nnete go lekanelia. Ba tla go bona Morena." Yeo ke phetho. Ga se ba tla go... Ge o etla go bona Dwight Moody, yeo ke phapano; o swanetše go ba se sengwe go se lebelela.

<sup>155</sup> Ngwanešu, ge o tlela polelo ya bohlale, seo ke se o se lebeletšego, seo ke se o se letelago. Eupša ge o etla go bona maatla le tšupetšo ya Moya wo Mokgethwa, go tla tsea maatla a Modimo go tšwa Legodimong go e dira. Yeo ke nnete. Go ya le se o se lebeletšego, se o se letetšego.

<sup>156</sup> Ge ke etla kerekeng, ke letela phološo. Ke letela batho ba bakgethwa. Ke letela sehlopha sa go hlwekišwa go tšwa go bophelo bja sebe. Seo ke se o se letelago, gobane ke seo Modimo a se nyakago. Eupša le bona ka mo re hlephišago mapheko?

<sup>157</sup> Ngwanešu Spurgeon wa go tšofala, modiredi mogwera wa ka wa Methodist wa kgale, o be a tlwaetše go rera ka, o rile re hlephiša... goba go bolela, go opela ka, a ke re. O rile:

Re hlephiša mapheko, re hlephiša mapheko,  
Re itšimeletša ka sebe;  
Re hlephiša mapheko, dinku di tšwela ntle,  
Eupša dipudi di tsene bjang ka gare?

Go hlephiša mapheko, yeo ke nnete, go hlephiša mapheko.

<sup>158</sup> Dula le Lentšu. Modimo ga a palelwe. Modimo ke Yena mohlokamagomo yo a sa kgonego go fetoga. Yena ke wa go se fetoge, Modimo wa go se fetoge, Yena wa go swana yo a welego ka Letšatši la Pentecost, gomme a tlatša ntlo yohle ka phefo ye maatla ya go kitima. Gomme maleme a maphakga a Mollo a dula godimo ga bona, gomme bohole ba ile ba tlatšwa ka Moya wo Mokgethwa. Yoo ke Modimo wa go swana yo re lebelelago go mmona lehono. Go ya le gore o lebelela eng. Modimo mohlokamagomo, "Ke nna Modimo, gomme ga Ke fetoge." Yena ga a fetoge. Yena a ka se kgone go fetoga. Ge se e le se A se fago baletedi bale ba pele morago kua, seo ke se A se fago baletedi ba bobedi, ke se A se fago ba boraro, ba bone. Gomme yo mongwe le yo mongwe A mmitšago e tla ba selo sa go swana.

<sup>159</sup> O rile, “Ke nna Morara. Lena le makala.” Ge morara o tšweletša lekala, gomme le enywa diterebe, morara wa go latela goba . . . Lekala la go latela le morara woo o le tšweletšago le tla enywa diterebe. O ka se kgone go dira le tee go enywa mafodi, le lengwe, magapu, gomme morago diterebe. O ka se kgone go e dira. Le a bona, go laetša le rakilwe. Ke—ke morara wo o hlomeseditšwego. Yeo ke nnete. Goba morara tsoko wo o . . . goba lekala le le hlomeseditšwego ka go morara.

<sup>160</sup> Ke be ke eme mo nako ye nnngwe le Ngwanešu John Sharrit. O ntaeditše go rarela, oo, e ka ba dikenya tše nne goba tše tlhano tša sitrase godimo ga . . . godimo ga . . . mohlare. Ke a dumela e be e le digarenate. Gomme—gomme, aowa, mohlomongwe ke a phoša fao. E be e le dinamune, le diswiri, le ditangerine, le ditangelo, le dipapalamune, tšohle di medile godimo ga mohlare wa monamune.

<sup>161</sup> Ke rile, “Eupša, Ngwanešu John, ke nyaka go go botšiša se sengwe. Ge a hloga bjale gomme e tšweletša mahlogedi a wona gape,” ke rile, “a ohle e ya go ba dinamune?”

<sup>162</sup> O rile, “Aowa. Le lengwe le le lengwe la makala, le lengwe le le lengwe la makala a mannyane ao a ripilwego le go bewa ka mohlareng wo. Ge e le mohlare wa moswiri, le tla . . . Ge e le lekala la moswiri, le tla enywa diswiri.”

<sup>163</sup> Ke rile, “Eupša go ka reng ge mohlare wa setlogo o tšweletša lekala le lengwe?” O rile, “Le enywa dinamune.” Yeo ke nnete.

<sup>164</sup> Kafao, ngwanešu, re ka itlhagiša ka gare renabeng ka mokgatlo. Ke tšohle re nago natšo. Re enywa dikenya tše mokgatlo. Re enywa bohlatse bja mokgatlo. Eupša ge o tšweletše ka go Morara, gomme wa go tšweletša, sebopiwa se seswa ka go Kriste, o tla enywa bophelo bja Kriste. Kafao nthuše, o tla dira. Nnete. O tla ba le boitemogelo bja go swana ba bilego le bjona mathomong. Amene. Ke a tseba ke therešo.

<sup>165</sup> Dikerekemaina di lebelela dihlalefi. Bothata, rena Mapentecostal, re lebelela kudu bakeng sa phefo ye e kitimago, re foša Segalontšu se sennyane sa setu. Seo e no ba se e lego sona. Le a bona? Ee, mohlomphegi. Ke go se letelwe, nako ye nnngwe. Ge se se ne Segalontšu se sennyane sela sa setu ka go yona, gabotse . . . Goba, e na le Sona ka kua, gabotse, ga re nyake go Se amogela. Nako ye nnngwe thuto ya kgonthé ye botse, nako ye nnngwe, ba no re ripaganya diripana, mohuta wa go hlochlora mafofa a rena nthathana ye nnyane, le a tseba. Dinako tše dingwe e re thuša nthathana ye nnyane. Le a tseba yeo ke therešo. [Lefelo la go se be le selo godimo ga theipi—Mor.] Ke therešo, ee, mohlomphegi, se sengwe se tla re thušago, go re dira gabotse.

<sup>166</sup> Bjale, Eliya o ile a kwa diphefo tša go kitima, gomme o tsebile e be e le Modimo ntłe kua, goba se sengwe se eya se feta. O kwele dipula, se sengwe le se sengwe. Eupša se sa go mo tšoša ke ge

A etla ka go Segalontšu se sennyane sela sa setu. O be a Mmone a etla ka pula. O be a Mmone a etla ka mollo, ebile. O kwele diphefo. Gomme o kwele pula. O kwele mollo, gomme o bone mollo, le tšohle. Eupša o ile a tšhoga ge Segalontšu se sennyane sela sa setu se tlile. Kafao o beile sesiro godimo ga sefahlego sa gagwe gomme a sepelela ntle. Oo, ngwanešu, yeo ke yona.

<sup>167</sup> Se re tlemegago go se dira ke go theetša tlasetlase botebong ka pelong ya rena go fihla re ekwa Segalontšu sa Modimo, ka gona re sepelela ntle go sona, re a dumela gore ke therešo. Ee, mohlomphegi.

<sup>168</sup> Ke, eupša ke a makala lehono, ngwanešu, ge re šitwa go lemoga, efela, magareng ga rena Moya wo Mokgethwa. Ke a makala ge batho ka mekgwatebelelo ya rena lehono, ge eba ga re šitwe go lemoga gore wo ke Moya wo Mokgethwa. Le a bona?

<sup>169</sup> Bjale, ke a tseba, go ba bangwe ba lena basetsebje, mohlomongwe, go dikologa ka kampeng bosegong bjo, batho ba bangwe ba ka phela bophelo bjo o tla lewago ke hlong go bo phela, wenamong. Yeo e ka no ba therešo. Eupša, ngwanešu wa ka, kgaetsedi, ga ba ne se ba bolelago ka sona. Yeo ke nnete. Yeo ke therešo. Eupša le se tsoge la ahlola ka seo.

<sup>170</sup> Ge ke ile ka India, go bile monna a nyaka go netefatša go nna o be a ka kgona go robala godimo ga meetlwia. Yo mongwe o be a nyaka go sepela ka mollong. O be a nyaka go dira dilo tšohle tše, go laetša se a bego a ka kgona go se dira, bakeng sa nikele goba taeme, goba peni, e ka ba eng o mo fago. Eupša, theetšang, o be a raloka karolo ya moikaketši ntle kua. Eupša moragorago ka bokagare bjola go be go le monna wa go botega, o be ka go felela a dira seo, a nagana gore ba be ba direla modimo sehlabelo felotsoko. Eupša o be a raloka karolo ya moikaketši.

<sup>171</sup> Re na le selo sa go swana. Yeo ke nnete tlwa. Banna ba bangwe, basadi, feela...goba ba bitšwago bjalo, ba no leka go itiriša, gomme ba dira mo o ka rego ba ne Moya wo Mokgethwa, gomme ba no dira ka moka ga bona go ya ka tsela yeo.

<sup>172</sup> Bjalo ka ge ke be ke bolela, bošego bjo bongwe. Ge la mathomo ke tsene ka phuluphithing, ke—ke ile godimo kua, gomme ke—ke šeditše Ngak. Davis ka tsela ye a bego a rera. Gomme ke ile ka no hwetša laesense ya mohloholeletši, kafao ke ile godimo kua. Ke naganne, “Ka re, o a tseba ke eng? Nka kgona go rera ka mokgwa wola le nna.”

<sup>173</sup> Kafao ke ile godimo kua ka akga matsogo a ka ka tsela ye a dirilego, le go tabogela *godimo le fase* ka tsela ya go swana a dirilego, gomme ke be ke no re, “Haleluya! Letago go Modimo!” Gomme, “Haleluya! Letago go Modimo!” Le, “Haleluya! Letago go Modimo!”

<sup>174</sup> Gomme ka gona, selo sa pele le a tseba, ge ke tlile fase go tšwa fao, bakgekololo bohole ba tla go dikologa gomme ba re, “Oo, go be go makatša, Billy!”

<sup>175</sup> Eupša mokgalabje Ngak. Davis o be a dutše fale, ramolao wa kgale, le a tseba, a ntebeletše ka mokgwa *wo*. Ke rile, “Ke dirile bjang, Ngak. Davis?”

<sup>176</sup> O rile, “Podiša. Gompempe ke ilego ka go kwa.” Oo, nna, a o ile a mphohliša! O rile, “Ke go nyaka ka boithutelong bja ka gosasa morago ga sekgalela, iri ya bobedi.”

Ke rile, “Go lokile, Ngak. Davis.”

<sup>177</sup> Ke ile ka gare, ke teilwe gohle, le a tseba. O ile a ntebelela, a re, “Ke a thanka o ikwela boka o ka se tsoge o ntebaletše, Billy.”

Ke rile, “Aowa. Ke nyaka go tseba gobaneng.”

<sup>178</sup> O rile, “Ge la mathomo ke be ke thoma go šoma ka molao,” o rile, “Ke šeditše ramolao. Gomme seo ntle le pelaelo eupša se o se dirilego le wena: o ntšheditše.” O rile, “Gobane, ke go bona o leka go ya go kgabola tiro ye nngwe le ye nngwe ye ke ilego go e kgabola.”

<sup>179</sup> O rile, “Eupša o a tseba eng?” O rile, “Lebaka ke rile ‘podija ye ke ilego ka ekwa,’” o rile, “gobane ga se wa tsoge wa tlša nthathana ya Lentšu la Modimo. O be o no goelela, le go sehumula, le go gahlola, le go tšwelapele.” O rile, “Ga se wa tsoge wa bolela selo ka Lentšu,” o boletše.

<sup>180</sup> Gomme kafao o rile, “Ke ile ka emela kua le go leka go ya go kgabola le go phophotha molato wa tlhalo. Gomme ke rile, ‘Mosadi yo monnyane yo wa go šokiša! Phuu-thuu!’ Mosadi yo monnyane wa go šokiša! Phuu-thuu!’ Ke ile pele ka mokgwa woo.”

<sup>181</sup> Gomme o rile, “Moemedi wa kgale o be a dutše go kgabaganya fale gomme a lebeletše ka mokgwa *woo*, e ka ba seripa sa iri, go fihla ke feditše go itia le go goelela, go fihla segalontšu se hunyetše, go nyakile.” O rile, “Moemedi wa kgale o rile, ‘Moahlodi, Mohlomphegi. Ke ditšiebadimo tše kae go feta kgorotsheko ya gago e tla di emelago?’”

<sup>182</sup> O rile, “Ke rile... Ke ile go moemedi wa kgale, gomme o mpoditše. O rile, ‘O a tseba ke eng? O be o dira lešata le lentši le se sengwe le se sengwe. Wena o—wena o seo, go lokile. Eupša,’ o rile, ‘o be o sa tliše ntle le ge e ka ba ofe wa molao. Go tšeа molao go fenza molato.’”

<sup>183</sup> Ngwanešu, seo ke se ke se naganago bošegong bjo le nna. E swanetše go ba selo sa go swana, ngwanešu. Ga go kgathale thuto ye kae, bohlale, goba e ka ba eng gape re nago le yona, go swanetše go ba maatla tsoko le tšhupetšo ya Moya wo Mokgethwa go netefatša gore ke Modimo, yo a tla otlollago bophelo bja gago, yo a tla diragatšago le go dira Bophelo bja go swana bjo Jesu Kriste a bo dirilego. Amene.

<sup>184</sup> O tshepišitše ka matšatšing a mafelelo gore O be... “Go tla ba Seetša ka nako ya mantšiboa.” Moprefeta o tshepišitše seo. Re a hlokomela seetša go ya ka thutofase se hlabla ka bohlabeleda

gomme se dikela ka bodikela. Gomme letšatši la go swana le le hlabago ka bohlabela ke letšatši la go swana le le dikelago ka bodikela. Re a tseba seo ke therešo.

<sup>185</sup> Bjale, tlhabologo e thomile kae? Ka bohlabela. Yeo ke nnete. E sepetše le letšatši, gomme bjale e ka Lebopong la Bodikela. E ya bokgole e ka ba bofe, e tla tla morago bohlabela gape. Bohlabela le bodikela di kopane, tlhabologo. Re le nyaka le hlokomele se motsotso feela.

<sup>186</sup> Bjale, elelwang, moprofeta o rile, “Go tla ba letšatši le e ka se bego seetša goba leswiswi, letšatši la leantu. Eupša ka nako ya mantšiboa, go tla ba Seetša.” Bjale hlokamelang. “Go tla ba Seetša ka nako ya mantšiboa.”

<sup>187</sup> Bjale, Morwa wa Modimo o phadimišitše toko ya Gagwe le maatla godimo ga batho ba ka bohlabela e ka ba mengwaga ye makgolo a lesomesenyane ya go feta. Gomme go tlie sekga sa nako mo re bilego le dithuto tša bohlale. Re bile le nako ye kgolo. Re dirile mekgatlo. Re dirile modiro wo mogolo, e lego se sekaone. E no ba letšatši la leantu.

<sup>188</sup> Ga ke thanke le a a hwetša mo ka Phoenix, eupša ka bohlabela re a a hwetša, mohuta wa maru, seetša sa go lekanelia go sepela tikologong; eupša letšatši ga le phadime. Felotsoko le a phadima, gobane o... E be e ka se be seetša ge le be le sa phadime. Eupša ga se seetša sa letšatši se sebotse tlwa. Eupša ka gona nakong ya mantšiboa, maru a phuthegela morago, gomme letšatši le le phadimilego ka bohlabela le phadima ka bodikela.

<sup>189</sup> Ka gona Jesu wa go swana, Moya wo Mokgethwa wa go swana wo o welego morago ka go batho ba bohlabela, o tlie tlase go kgabola letšatši la mokgatlo, le go rothela fase mo ka go matšatši a mafelelo, go phadimiša Seetša godimo ga bogomapono bja bodikela. Ke Jesu wa go swana, selo sa go swana, wa go swana wa go rata yo Motee.

<sup>190</sup> Yena o mo bošegong bjo ka sebopego sa Moya wo Mokgethwa. Go tla! Yena ke—Yena ke Modimo wa go se fetoge. O no se kgone go fetolwa. Aowa. O tla ka ditsela tša go se letelwe, o dira matete, ditsela tša go fapano, go dira matete a Gagwe. Ditsela tša diphiri, a ke re, go dira matete a Gagwe.

<sup>191</sup> Eupša elelwang, Jesu o rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.” Ga go yo a ka belaelago seo, eupša se A se boletšego, “Bjalo ka ge go bile ka Sodoma.” Bjale, ka Sodoma, e be e no ba pele mollo o ewa le go tšuma Sodoma le Gomora. Gomme bjale re no ba pele ga go ratha iri yela ya bošegogare, bakeng sa go Tla la bobedi ga Kriste, le lefase go fedišwa ka mollo.

<sup>192</sup> Go diregile eng? Go bile magoro a mararo a batho ka letšatšing leo, gomme go ne magoro a mararo a batho lehonon. La pele, go be go ne Basodoma; lefase. Go be go ne Loto le batho ba gagwe; kereke, fomale, mohuta wa bohlale. Gomme go

be go ne Abraham le sehlopha sa gagwe; Abraham le sehlopha sa gagwe, ba dutše godimo kua, Mokgethiwa le Kereke ye e bileditšwego ntle.

<sup>193</sup> Elelwang, bjale, go be go le dihlopha tše tharo. Basodoma; la go tlala sebe, lefase le lebe boka lehono. Go be go le moleloko wa kereke, bolelo, wa go tonya; Loto, sehlopha sa gagwe. Go be go le Abraham, mmiletšwa ntle ga yona, gomme o be a dutše ntle mo ka leganateng, a tše dilo tšohle tše thata. Nnete. Gomme Morena o tlie fase ka sebolepego sa Monna, Seboleledi sa Barongwa ba bararo ba ba bego ba eme.

<sup>194</sup> Bjale, yo mongwe o mpotšišitše, o rile, “Ngwanešu Branham, ga o dumele yoo e be e le Modimo?”

<sup>195</sup> Ke rile, “E be e le Modimo. Gobane, bjale, theetša. Abraham o Mmiditše, tlhakakgolo M-o-r-e-n-a. Gomme serutegi e ka ba mang se a tseba gore yoo ke tlhakakgolo M-o-r-e-n-a ke Elohim, e lego Modimo.”

<sup>196</sup> O rile, “Gabotse, A ka tsoge bjang a . . .” Ke rile . . . O rile, “Modimo, a eja?”

<sup>197</sup> Ke rile, “Nnete.” Ke rile, “Modimo o nno obeletša mošola gomme a tše sa go tlala seatla sa—sa seetša sa khosmiki, le e ka ba eng go feta A ilego a swanelo go e tliša mmogo, le petroliamo tsoko, le seetša sa khosmiki, le—le khalesiamo tsoko, le photše. O rile, ‘Fše! Gatela ka go wola, Gabariele. Fše! Gatela ka go wola, Mikaele.’ Gomme a gatela ka go wona, Yenamong.”

<sup>198</sup> Yena ke Modimo. O šitilwe go bona Yena ke Mang. Yena ke Modimo wa go se fetoge. Ke thabile ke na le tumelo ka go Yena bošengong bjo, gore letšatši le lengwe ge bophelo bja ka, mmele wa ka ka dielemente tše wona tše lesometshela o tla ba morago ka leroleng la lefase. Eupša O tla re, “William Branham,” gomme ke tla tla pele. O tla budulela mohemo wa bophelo ka go wona, a re, “Ke wena fao.” O tla feta ka thoko tswalo—tswalo ka mme wa ka, le go ya pele.

<sup>199</sup> Boka Jesu, go mohlolo wa Gagwe wa mathomo, O fetotše meetse go ba beine. Mafelelong a be a tla ba beine, eupša O fetile ka thoko tshepedišo, o rile, “Fetola meetse go ba beine.”

<sup>200</sup> Ka tsogong, A ka se re, “Mna. le Mdi. Branham nyalanang gape gomme le tšweletše William.” O tla bolela, gomme ke tla tšwelela. Amene. Yoo ke Yena. Yena ke Modimo.

<sup>201</sup> Nnete, O dirile. O sepeletše tlase kua pele ga Abraham. Bjale, šetšang se A se dirilego bjale.

<sup>202</sup> Elelwang, Ba be ba eya tlase, ba babedi ba Barongwa ba ile tlase le go rera ka Sodoma. A yeo ke nnete? Ba bile le kopano tlase kua. Eupša Ba dirile eng? Ga se Ba dira mehlolo ye mentši kudu, eupša Ba dirile eng? Ba rathile bona Basodoma go foufala.

<sup>203</sup> Gomme bjale re na le bona barongwa ba go swana ba rerela kereke ye female lehono: Billy Graham, le go ya pele. Gomme ke

eng e foufatšago lefase? Ke Lentšu. Gomme go rerwa ga Lentšu, go foufatša mosedumele.

<sup>204</sup> Eupsa šetšang Mokgethiwa yo, Kereke ya go biletšwa ntle, Morongwa yo a boletšego kua le Abraham.

<sup>205</sup> Yena, bjale elelwang, leina la gagwe e be e le Abram go fihla feels matšatši a se makae pele. Gomme leina la mosadimogatšagwe e be e le Sarai, S-a-r-r-a. Eupsa, yena, Modimo o kopane le Abraham ka sebopego sa Moya, gomme o fetotše leina la gagwe go tloga go Abram go ya go Abraham, go tloga go Sarai go ya go Sarah.

<sup>206</sup> Gomme bjale šetšang Morongwa yo, lerole godimo ga diaparto tša Gagwe, gomme O rile, “Abraham, mosadimogatša wa gago o kae, Sarah?”

<sup>207</sup> Ke a makala. Abraham o swanetše go be a rile, “Bja ka—bjaka boetapele bo be bo lokile. Ke nno ikwela se sengwe. Moisa yola o be a fapanie.”

O rile—rile, “O ka tenteng ye e lego ka morago ga Gago fao.”

<sup>208</sup> O tsebile bjang o be a ne mosadimogatša? O tsebile bjang o bile le leina la gagwe le be le fetotšwe? O tsebile seo bjang, yena, maemo a? O rile, “Nna ke ya go go etela go ya ka nako ya bophelo.” Ebile O tsebile bjang Abraham o be a nyetše? Le a bona? “Mosadimogatša wa gago o kae, Sarah?”

<sup>209</sup> O rile, bjale šetšang, “Nna,” lešalamong lela fao, “Nna ke ya go go etela go ya ka nako ya bophelo.” Le a bona o be a le Mang. Le a bona? Le a bona o be a le Mang. Gomme O—O rile . . .

<sup>210</sup> Gomme Sarah, ka tenteng, o rile, “Nka kgona bjang?” O segile. Ka mantšu a mangwe, kgegeo ye nnyane, le a tseba, go yenamong, o rile, “Bjale lebelela. Nka kgona bjang go ba le mantsikinyane gape?”

<sup>211</sup> Abraham o be a le mengwaga ye lekgolo bogolo, gomme Beibebe e e bolela pepeneneng fao bjale, gore bobedi ba be ba tšofetše gabotse ka mengwaga. Gomme tsela ya Sarah e be e omile nako ye telele. Abraham, mmele wa gagwe o be o le gabotse bjalo ka mohu. Gomme popelo ya gagwe e be e omeletše le go hwa, lebaka la mengwaga.

<sup>212</sup> “Nna ke ya go go etela go ya bophelo, nako ya bophelo, gomme o ya go tliša ngwana yo.”

<sup>213</sup> Bjale hlokamelang, pele ga go tswalela. Gomme Sarah o segile, o rile, “Seo se ka tsoge sa ba bjang? Nna, gomme mokgekoloko bjalo ka ge ke le, nka ba le mantsikinyane gape, le morena wa ka gape.” Bjale hlokamelang, yeo ke “nna” ye nnyane fao, “morena,” Abraham. “Yena a tšofetše, le yena.”

Gomme Morongwa o rile, “Gobaneng Sarah a sega?”  
Oo, nna!

<sup>214</sup> Bjale, elelwang, Jesu o rile, “Bjalo ka ge go bile ka matšatšing a Noage, le ka matšatšing a Sodoma, go tla ba bjalo mo go tleng ga Morwa wa motho.”

<sup>215</sup> Ke eng yona? Ke Modimo, Moya wo Mokgethwa, a dula magareng ga nama ya motho, ka go dibjana tše tša go hlwekišwe tše Madi a Morwa wa Modimo a di hlwekišitšego, ka tumelo; gomme Modimo a dula ka go dibjana tše, a dira le go tšwelapele ka mediro ya Jesu Kriste, go Mo dira wa go swana maabane, lehono, le neng le neng. Ge re kolobeletšwa ka Mmeleng ke Moya wo Mokgethwa, gona re ba Mmele wa Kriste. Gona re tsošitšwe le Yena. Ge A tsogile, re tsogile le rena ka go tsogo le Yena. Gobane, Yena ke Hlogo, gomme Hlogo le Mmele di mmogo. Ka gona, lehono, Kriste o ka Kerekeng, ka go wena, le mediro ya Gagwe yeo A kilego a e dira. Mokgethwa Johane 14:12, “Yo a dumelago go Nna, mediro ye Ke e dirago o tla e dira le yen.” Yeo ke nnete. Bahebere 13:8, “Jesu Kriste wa go swana maabane, lehono, le neng le neng.” Le a bona fao?

<sup>216</sup> Batho ga ba e letele go ba ka tsela yeo. Ba re letela go ba sehlopha sa batho ba goserutege, ebile ba sa tsebegó se ba bolelago ka sona. Ba e dumela go ba sehlopha tsoko sa dimaumau. Eupša re—re ka no ba, ka kgopoloyya gore ba bolela ka yona.

<sup>217</sup> Eupša re amogetše Moya wo Mokgethwa ka tsela ye Modimo a O tšholletšego ntle, le go hwetša dipolo tša go swana tše ba bilego le tšona morago kua kafao go netefatša gore ke Yena. Yena ke Modimo wa go se fetoge. Re hwetša dipolo tša go swana. Amene.

<sup>218</sup> Mme wa ka mong ge a be a ehwa, o rile, “Billy, o bile . . .” Ke mo kolobeditše mengwaga ye mentši ya go feta. O rile, “O bile mohuta wa mohlahlili wa semoya go nna, Billy.”

Ke rile, “Mme . . .”

<sup>219</sup> Le a tseba, batho ba gaborena ke Katoliki. Gomme ke rile . . . Ge la pele ke tsebile gore Modimo e be e le Modimo, ke tsebile yona bophelo bjohle bja ka, go tloga mošemane yo monnyane, eupša batho ba geso ga se ba ke ba tsoge ba ya kerekeng. Gomme ke ile tlase le go bolela le moprista, gomme o rile, “Ye ke kereke. Ye ke tsela.”

Ke rile, “Gabotse, Beibele? A nka kgona . . .?”

<sup>220</sup> O rile, “Bjale, o tla hlakahlakana gohle. O a bona? Ye ke kereke. Modimo o ka kerekeng ya Gagwe. O swanetše go dumela kereke.”

<sup>221</sup> Gabotse, ke ile godimo go Malutheran, gomme ba rile, “Ke rena kereke. Ke rena mmele wa badumedi.”

<sup>222</sup> Ke ile go Mamethodist. Ba rile, “Ke rena mmele wa badumedi.”

<sup>223</sup> Ke ile go Baptist. Ba rile, “Aowa, bona bohole ba phošo. Ke rena woo.”

<sup>224</sup> Ke naganne, “Go direga eng mo? Kereke ke mmele wa batho. Gomme yo motee *yo* o bolela ka tsela *ye*. *Yo* o bolela ka tsela *ye*. Le *ye* tsela, le *yela* tsela, le *yela* tsela. Se sengwe se swanetše go ba phošo.”

<sup>225</sup> Kafao ke rile, “Ke ile thwi morago go Beibele, mama, gomme ka bala feela tlwa se kereke yela ya mathomo e se dirilego. Gomme ka tsela ye ba se dirilego, yeo ke tsela ye ke dirilego, le nna, le go hwetša dipolo tša go swana.” Ke rile, “Tumišang Modimo. Seo se botse go lekanelo go nna.”

<sup>226</sup> Ge feela ke ne dipolo tša go swana, ke bona Jesu wa go swana. Ke bona Modimo wa go swana yo a šomilego ka Testamenteng ya Kgale, ka Tetsamenteng ye Mpsha, tlase go pele ga khansele ya Nicene. O šomile ka kua go fihla go tleng ga kereke ya Katoliki ya Roma ye e amogetšego dithutotaelo sebakeng sa Beibele, e ile ntle go kgabola mabaka a leswiswi, le go tla morago ka Luther, Wesley, le tlase mo ka go lebaka la kereke ya Laodikia. “Gomme go tla ba Seetša ka nako ya mantšiboa.” Modimo o tla gogela Kereke ntle ka nnete bjalo ka ge ke eme mo. Go tla ba. Gomme go boneng Moya wo Mokgethwa wa go swana, ka ditshepišo tša go swana, o dira mediro ya go swana le selo sa go swana, Leina la Morena le šegofatšwe.

<sup>227</sup> Modimo wa go se fetoge o tla go fa Moya wo Mokgethwa wa go swana wo A ba filego wona kua, ntle le go fetoga. O tla dira dilo tša go swana tše A di dirilego ge A be a le mo lefaseng, go e ka ba monna goba mosadi mang kapa mang yo a tla o dumelago le go o amogela. Ge o na le Moya wo Mokgethwa, swarelala go wona boka Jakobo a dirile, gomme swarelala go wona go fihla dipolo tše phosithifi di etla. Amene. O dumeleng, bagwera.

<sup>228</sup> Gomme ka nako ya go se letelwe, gomme mohlomongwe lefelo la go se letelwe. Eupša ge A tla e dira ka lefelong la go se letelwe, A ka e dira bontši gakaakang ka lefelong la go letelwa, moo re letetšego go e bona e direga?

A re inamišeng dihlogo tša rena feela nakwana.

<sup>229</sup> Ge dihlogo tša lena di sa inamile, gomme ke a holofela gore dipelo tša lena di inamile, le tšona. Ntshwareleng go le swarelala botelele ka mo ke dirilego, go fihla iri ya senyane. Eupša ke tla rata go le botšiša potšišo ye: Le a tseba, re ka no se tsoge ra kopana gape. Seetša sa letšatši se ka no se tsoge sa tla mosong bakeng sa ba bangwe ba rena. Gomme ge go ka ba bjalo, gore re ka se tsoge ra bonana seng go hlabeng ga letšatši, a re tla kopana gape mošwa noká? A go tla ba... A o na le khutšo le... ka pelong ya gago, le netefatšo, netefatšo ya Mangwalo bjalo ka batho ba ke boletšego ka bona bošegong bjo, gore ge o kopane le Modimo, o bile le boitemogelo bja Mangwalo? Modimo o fetotše bophelo bja gago go felela, gomme bjale ga o no ba motho wa go swana,

a nnogo agwa gape, a pholetšitšwe, eupša o sebopiwa se seswa, sebopiwa se seswa ka go Kriste? Ge o se ka tsela yeo . . .

<sup>230</sup> Ga re ne boemo mo aletareng, goba sekgo. Eupša ke nyaka go kgopela tlhokofalo ya lena. Ge o ka hlologela gore ke neele thapelo bakeng sa gago mo, go tšwa phuluphithing, go tsebeng gore letšatši le lengwe ke tla swanelo go kopana le wena gape le go kopana le mantšu a ka ao ke a boletšego bošegong bjo, a o tla, ka . . . bohole ka dihlogo tša bona di inamišitšwe le mahlo a tswaletšwe, a o ka no phagamiša seatla sa gago le go laetša, ka seo, "Nthapelele, ngwanešu, gore ke—ke nyaka go ba ka tsela yeo?"

<sup>231</sup> Modimo a go šegofatše, gomme a go šegofatše. Šegofatše, mohumagadi yo moswa. Modimo a go šegofatše. Ka ntle, e ka ba kae, beang diatla tša lena go itshama ka mafastere, kae kapa kae e lego. Modimo o tla šegofatša.

<sup>232</sup> E no phagamiša seatla sa gago, ka tlhokofalo ya go teba, gomme o re, "Modimo, eba le kgaogelo go nna. Ka mehla ke—ke be ke nyaka go ba ka tsela yeo, Ngwanešu Branham, eupša ka mokgwa wo mongwe mongwe, ke ile ka no se tsoge ke kgonne go hwetša seo."

<sup>233</sup> Oo, mogwera yo bohlokwa, a o ka se swarelele go se sengwe? Ntumele, bjalo ka mohlanka wa Gagwe. Moya wo Mokgethwa o a rereša. O se tsoge wa dumelala yo motee a tsoge a go botša go tloga go Wona. Swarelela go seatla sa Modimo sa go se fetoge, mogwera Mokriste. Ge eba o sa tšo tšoena kereke, ge o sa tšo kolobetšwa ka meetseng, gomme o se wa tšwe gabjale o kolobetšwa ka Moya wo Mokgethwa, gabotse ga se wa be wa tswalaboswa.

<sup>234</sup> Bjale, o re, "Ngwanešu Branham, ke—ke boletše ka maleme, ke—ke dirile *se*, goba ke dirile *sela*." Bjale, ke dumela go seo le nna. Ke le boditše. Eupša, elelwa, o ka kgona go bina ka Moya. O ka kgona go bolela ka maleme.

<sup>235</sup> Ke bone Mahindu ba dira seo. Ke bone dingakabalo ba bolela ka maleme, ba le hlatholla. Gomme ke kwele. Ke ile ka kampeng nako ye nngwe, moo go bego go le baena ba bangwe ba ile ka kua, ka bona tafola e kgwathelwa ntle ka maleme, gomme phensele e etla gomme e ngwala ka maleme a go se tsebje; bona ba le bala. Le a bona? Dilo tšeо tšohle, ke gore, seo e ka kgona go ba diabolo.

<sup>236</sup> Eupša, ngwanešu, ge o bolela ka maleme, gomme ka gona wa tšwelapele o phela bophelo bjo o kilego wa bo phela, gona go ne se sengwe sa phošo ka boitemogelo bja gago. Le a bona? Ge o na le yeo, feela selo se nnoši o itshamilego ka sona ke go bolela ka maleme, o se leke seo. O tla ya ka godimo ga diphororo, gomme sekepe sela se ka se tsoge sa e emela. Eupša ka . . .

<sup>237</sup> "Mo go lego maleme a tla goma. Mo go lego diprofeto, se tla šitwa. Eupša ge se e lego sa go phethagala se tlie," oo, lerato lela

la Modimo, la go huma le go seka, go hloka magomo le go tia, gona dimpho tše dingwe tše di tla šoma thwi ka gare le lona. Le a bona? Tše o ke dimpho tša Moya wo Mokgethwa tše di filwego lena, go bolela ka maleme, go profeta, le eng go fetiša, ditlhathollo. Ke go godiša Kereke, bakeng sa go godiša Mmele. Eupša pele amogela Moya wo Mokgethwa, gore o a bona gore bophelo bja gago bo fetogile.

<sup>238</sup> Bjale, go bile e ka ba tše seswai goba diatla tše lesome di ile godimo ge e sa le ke be ke bolela. A go ka ba yo mongwe pele ke neela thapelo? Modimo a go šegofatše, mohumagadi. Gabotse, Modimo a go šegofatše, kgaetšedi. A go ka ba yo motee gape? E no iša seatla sa gago godimo, e re, ka tlhokofalo ya go teba, “Ngwanešu Branham, nkgopole.” Modimo a go šegofatše fao, ngwanešu. Yo mongwe gape? E no re, “Nthapelele.” Nka kgona feela go go rapelela, mogwera. Modimo a go šegofatše, mohumagadi. Gomme Modimo a go šegofatše fao, kgaetšedi. Bjale, O bona seatla sa gago.

<sup>239</sup> Elelwang, Jesu o rile, “Yo a kwago mantšu a Ka, a dumela go Yena yo a Nthomilego, o na le Bophelo bjo bosafelego, gomme a ka se tle ka kahlolong eupša o fetile go tšwa lehung go ya ka Bophelong.” Re swanetše go dumela seo ka pelo yohle ya rena. E no se dumela ka tšohle tše di lego ka go wena, gomme Modimo o tla hlokomba ka moka.

<sup>240</sup> Tate wa Legodimong, bjale re neela batheeletši ba bannyane ba go wena. A a go ripagana, mantšu a go bolelwa ka letšhogo bošegong bjo, Morena, ke eme mo ka maikutlo a batho bale ba emego kua, gomme maoto a bona a bohloko. Modimo, ke tleleima soulo ya bona. Bokaone bjo ke tsebilego bjang, Morena, go tliša Lentšu, tsela ya ka ya go šokiša ya go kokobela, peu ye nnyane e bego e le ka gare ga lona, Tate, e bjale ka gare ga dipelo tša bona batho. Gomme ke tleleima soulo ya bona, gore e ka se ke ya lahlega, eupša e tla bonagala mošola ka letšatši lela ka tsogong. E fe, Morena.

<sup>241</sup> Wena o Modimo. Ga go Modimo yo mongwe eupša Wena. Bahetene ba ne diswantšho. Re na le Modimo wa go phela, Modimo wa go phela a nnoši. Re kgona go nagana ka Wena, Tate, o dutše mošola ka Bokagosafelego, o phadima dimilione go feta matšatši a dimilione tše lesome. O Modimo, phadima pele! Wena Yo a kgonnego go dira mafase, wa bea tshepedišo ye kgolo ya letšatši ka mafaufaung, gomme—gomme ka gona wa tla fase go phološa modiradibe, o na le kgahlego go lekanelo go ba mo ka go tabarenekel ye nnyane ye bošegong bjo le batho ba ba Bakriste. Gobane, Jesu o re fa Lentšu, gore, “Kae kapa kae ba babedi goba ba bararo ba kgobokanego Leineng la Ka, Ke tla ba magareng ga bona.”

<sup>242</sup> Bjale, phološa batho ba, Tate. Ke sohle ke tsebago go Go kgopela, gomme ke a dumela gore O tla araba thapelo ya ka.

Gomme ke a rapela gore gosasa ba tla ba thwi ka kerekeng, le go ba komana go kolobetšwa, ebole le gabjale bošegong bjo, ge ba se ba tsoge ba kolobetšwa. Ke a rapela gore O tla ba tlatša ka Moya wo Mokgethwa. Ba dire ba swarelele go Therešo ye ya kgonthe ya Modimo go fihla lehu le tla ba lokolla. Ka go la Jesu Leina ke a rapela. Amene.

<sup>243</sup> Bjale, batheeletši, ke nyaka go le botšišo e tee, ka go botega, bokgethwa. Mo dinakwaneng di se kae re tla be re tswalela. Bjalo ka ge ke boletše, re ka no se tsoge re kopane gape. Ke a holofela re a dira. Eupša elelwang, re tla swanelia go fa lebaka bakeng sa bošego bjo, ge re etla Kahlolong. Ke tla swanelia ke go fa lebaka bakeng sa se ke se boletšego, bakeng sa se ke se dirago. Tšohle di swanetše go arabelwa, go Modimo. Gomme ge—ge ke hwetšwa molato, le tseba se se diregago go nna. Bokaone ke hwe ke le modiradibe, eupša e sego ka tsoge ka hwa ke le mofori. Anke ke be therešo, go botega.

<sup>244</sup> Bjale, lebelelang. Ge Jesu Kriste a swana maabane, lehono, le neng le neng... Gomme ke rapela ye. Bjale, ga ke tsebe gore O tla rata. Gobane, ba e no ba batheeletši ba bannyane ba batho... Gomme go ne batho ba eme, gomme ke nako. Ke nakong ya tlaleletšo kgole. Go tla ba bothata go dira mothalo wa thapelo godimo go kgabola mo, eupša ke ya go le rapeleta ka batheeletšing. Eupša anke... Ke a rapela gore Modimo o tla le fa se sengwe se le ka kgonago go bea diatla tša lena godimo ga sona, boka Jakobo a bile; ga se la ke la tsoge la ba le sona se sengwe le ka kgonago go bea diatla tša lena godimo ga sona.

<sup>245</sup> Bjale, go lena batho ntle fao le tlaišegago, ke boletše le lena ka Morongwa yo a tlidego fase, e bego e le Modimo a bonagaditšwe ka mmeleng wa motho, e lego O bonagatšwa ka go rena ge re le badumedi. Gomme ka gona ge A bile le magetla a Gagwe a šotologile, Sarah... O kwešišitše se Sarah a bego a se bolela le go se dira ka batheeletšing.

<sup>246</sup> Ke gona nako ye nngwe, ke e dira go hlakahlaki go lena, gore O fetile go kgabola le—le lešaba la batho, gomme go be go ne mosadi yo monnyane wo go lego molaleng o be a tla nyama bjalo ka mang kapa mang mo.

<sup>247</sup> Ka mehla re... Bošegong bja go feta re bile le khuduego ye nnyane. Gomme re bile le batho ba bantši ba ba rapeletšwego, re bile le mošemane go fa ntle dikarata tsoko tša thapelo ge ke be ke sa rera. Gomme kafao dinako tše dingwe ba tla morago le pele, le morago le pele. Gomme lena bohole le tla nyaka go ya go sekolo sa Lamorena. Yo mongwe o mpoditše ka ntle, o rile, “Ntšha e sa le ka pela, gobane batho ba ba swanelia go otlela go ya kgole le go bowa morago bakeng sa sekolo sa Lamorena.”

<sup>248</sup> Ke nyaka go boloka tshepišo yeo. Ke rile, “Ke tla dira. Ke tla e dira.” Le a bona? Gomme ke—ke le nyaka le swarelele. Ge...

<sup>249</sup> Selo se segolo, ke, swarelelang go se sengwe seo e lego sa kgonthé. Ke ba bakae ba dumelago gore Jesu Kriste o a swana maabane, lehono, le go ya go ile? [Phuthego e re, "Amene."—Mor.]

<sup>250</sup> Ka gona, ge—ge ke le boditše moyá wa John Dillinger o tlide godimo ga ka, ke tla ba motho wa kotsi go ba tikologong ya gagwe. Ke tla ba le dithunya le sehlokamolao. Ge ke le boditše moyá wa—wa mothaladiswantšho tsoko yo mogolo o be o le godimo ga ka, le tla ntetela go thala seswantšho boka mothaladiswantšho yoo a ka kgona. Ge ke le boditše moyá wa—wa—wa Houdini, mothaladiswantšho wa go phonyokga, le tla letela nna go dira dilo tše a di dirilego. Ge ke le boditše moyá wa seopedi tsoko se segolo o be o le godimo ga ka, le tla ntelela go kgwatha dinotlelo tšeо feela ka tsela, gobane moyá wa gagwe o godimo ga ka. Le a bona?

<sup>251</sup> Ge ke le botša Moya wa Kriste o godimo ga ka, gona dira mediro ya Kriste. Kriste o rile Modimo o be a le ka go Yena. "Modimo o be a le ka go Kriste, a boelanya lefase go Yenamong." Bohle re tseba seo, gore Modimo o ikemetše Yenamong ka go Kriste, go boelanya lefase go Yenamong. O be a le Imanuele. Jesu o rile, "Ga se Nna a dirago mediro. Ke Tate wa Ka yo a dulago ka go Nna, O dira mediro."

<sup>252</sup> Gomme go feteng go kgabola, ka Moya woo wa go swana ka go Yena, mosadi yo monnyane o kgwathile morumo wa seaparo sa Gagwe. Bjale, Yena ga se a kwa seo, ka nama. Le a tseba ga A tsoge. Nnete aowa. Gobane, seaparo sa Mapalestina, ge e ka ba mang a tseba, se bile le seaparo sa ka fase, gomme seaparo se segolo sa go lokaloka se lekeletše fase ka mokgwa *wo*. Kafao A ka be a se a tsoge a kgwatha... A ka be... A ka be a se a tsoge... A ka be a se a tsoge a kwa seo, le yo mongwe le yo mongwe go Mo dikologa. Eupša o kgwathile seaparo sa Gagwe ka tumelo.

<sup>253</sup> Baratimeo wa sefov o kgwathile seaparo sa Gagwe letšatši le lengwe, mo kgorong, gobane ga se A tsoge a kwa kgoletšo yela.

<sup>254</sup> Ba bangwe ba bona ba rile, "Hei, Wena, tsoša bahu. Go ne serapa sa mabitla ka moka se tletše bona ntle mo. Etsla, e dire," gomme ba dira metlae ke Yena. Gomme baprista le se sengwe le se sengwe, "Etsla, dira *se*, gomme dira *seo*." Ga se A tsoge a bolela lentšu.

Eupša mokgopedi wa sefov, "O Modimo!"

Gomme Jesu o eme. "Mo tlišeng mo." Le a bona? Le a bona?

<sup>255</sup> Mosadi yo monnyane yola o bone gore o be ka se tsoge a hwetša šedi ya Gagwe, ka baka la borabi le baprista le yo mongwe le yo mongwe go Mo dikologa, le yo mongwe le yo mongwe. Gomme o kgwathile seaparo sa Gagwe. Gomme Jesu o eme, o rile, "Ke mang a Nkgwathilego?"

<sup>256</sup> Gomme Petro bontši bjo a Mo sotšego, o rile, “Ke mang a ‘kgwathilego’ Wena? Yo mongwe le yo mongwe o a Go kgwatha. Gobaneng o bolela selo boka seo?”

<sup>257</sup> O rile, “Eupša Ke kwa bokwala bjola, maatla a tlogile go tšwa go nna. Yo mongwe o bile le kgwatho ye e itšego.”

<sup>258</sup> Gomme O lebeletše bokagodimo bja batheeletše go fihla A hweditše mosadi yo monnyane. Gomme bothata bja gagwe e be e le eng? O be a ne taba ya madi. Gomme ge a bile le tumelo ya go lekanela go kgwatha Modimo, yeo e fošeditše phetogo godimo ga Jesu. Gomme ka gona ge Kriste a le ka go rena, a tloditšwe ka Moya wo Mokgethwa, a tlhogeloa ya gago ya go swana e ka se kgwathe selo sa go swana?

<sup>259</sup> Bjale, ke nyaka go le botšiša se sengwe badiredi. A Beibele e bolela, gore, “Jesu Kriste ke Moprista yo Mogolo, thwi bjale, yo a kgonago go kgwathwa ke maikutlo a mefokolo ya rena”? A ke nnete? [Badiredi ba re, “Yeo ke nnete.”—Mor.] Ke ba bakae ba tsebago yeo go ba therešo? [“Amene.”] Beibele e boletše seo, Testamente ye Mpsha. “Yena thwi bjale ke Moprista yo Mogolo yo a kgonago go kgwathwa ke” eng “maikutlo a mefokolo ya rena.”

<sup>260</sup> Gabotse, ka gona, o tla tseba bjang o Mo kgwathile? Ge A swana maabane, lehono, le neng le neng, O tla dira go swana le ka mo A dirilego maabane. A ke nnete? [Phuthego e re, “Amene.”—Mor.]

<sup>261</sup> Gabotse, bjale, ga A ne diatla lefaseng eupša tša ka le tša lena. Segalontšu sa Gagwe lefaseng ke sa rena; segalontšu sa rena se filwe Yena. Ke ka baka leo re rerago Ebangedi. Re a dumela ga se rena. Re a šušumetšwa go rera dilo tše, Moya wo Mokgethwa o bolela ka rena. Le a bona? Ga re dumele ke rena re kgonago go dira seo. Nneta aowa. Ke a tseba nka se kgone. Gomme—gomme re—re a tseba gore ke tšušumetšo ya Moya wo Mokgethwa.

<sup>262</sup> Ka gona ge motho a rera se sengwe sa go fapano, o gana Lentšu; gona Moya wo Mokgethwa o ka kgonago bjang go ngwala Lentšu, gomme wa retologa go dikologa, wa Le gana ka motho? A ka se kgone go e dira. E swanetše go ba Lentšu. Le swanetše go tla pele feela ka tsela ye le ngwadilwego, feela tlwa.

<sup>263</sup> Bjale, ge “A le Moprista yo Mogolo.” A re swareng Lengwalo le tee lela, re no tše leo. Ge A le Moprista yo Mogolo yo a kgonago go kgwathwa ke maikutlo a mefokolo ya rena, gona tsela e nnoši le ka tsogego la tseba, a O . . . Ge A swana maabane, lehono, le neng le neng, O tla dira feela tlwa boka A dirile ge mosadi yola a Mo kgwathile.

<sup>264</sup> Gomme ka gona ge ke le mohlanka wa Gagwe, gomme Moya wa Gagwe o ka go nna, o ka kgonago go kgwatha seaparo sa Gagwe kae kapa kae o lego. Go ka se ke . . .

<sup>265</sup> Seaparo sa ka se ka se dire phapano e ka a efe. Ke nna motho, modiradibe wa go phološwa ka mogau. Eupša e sego go feta mosadimogatša wa gago, monnamogatša wa gago, goba ngwanešu, mang kapa mang e ka bago yena, modiša wa gago. Rena bohole, re a swana. Eupša Yena ke Moprista yo Mogolo. Nna ga ke Moprista yo Mogolo. Ke Yena.

<sup>266</sup> Go kgwatha nna go ka se dire botse bjo bo itšego; eupša go kgwatha Yena go tla dira. Eupša ge nka kgona go ineela nnamong go Yena . . . Ke no swana le—le setšeamantšu se mo. Setšeamantšu se se homotše go felela go fihla se sengwe se bolela ka go sona. A yeo ke nnete? [Phuthego e re, “Yeo ke nnete.”—Mor.]

<sup>267</sup> Gabotse, ka gona, ga ke tsebe yo motee wa lena ntle fao. Gomme ge nka Se bona ka godimo ga ba bangwe ba lena ke a tseba, nka se bolele selo. Ke tseba Ngwanešu le Kgaetšedi Dauch ba dutše thwi fao. Gomme ke a dumela yo ke ngwanešu yo monnyane mo Mogerike mo go tšwa Gerike, yo ke—yo ke sa kgonego go nagana leina la gagwe, David. Gomme ka ntle ga fao, ke a nagana yo ke . . . batho ba thwi mo, thwi, basetsana ba bararo ba goba ba bane thwi mo go mothalo wo wa pele, ke a ba tseba, gobane ba tšwa Georgia le godimo ka Tennessee. Ba tla kerekeng ya ka. Ba bangwe ba bona batho ba otleta dimaele tše makgolo a lesometlhano ka Lamorena, Lamorena le lengwe le lengwe ke rerago. Ka ntle ga fao, ke nagana Kgaetšedi Evans o dutše thwi fao, le Kgaetšedi Ungren le bona, Ngwanešu Evans, o dutše thwi go bapa *fao*.

<sup>268</sup> Bjale ke a le botšiša lena batho. Ke ba bakae ka mo ba babjago, gomme a tseba gore ga ke go tsebe, ga ke tsebe selo ka wena? Phagamišang diatla tša lena. Ebang le tumelo.

<sup>269</sup> Bjale, Tate wa Legodimong, O tseba pelo ya ka. Gomme ga ke—ke—ke tle go ye, go dira pontšho ya sefaleng ya Gago, Morena. Wena ga o dire se. Ge O sa nyake go se dira, Tate, ga se thatong Kgethwa ya Gago, gona e no se tswalela, bakeng sa bona. Re ikwela gore Moya wo Mokgethwa o be o le mo le go re šegofatša.

<sup>270</sup> Gomme go beng gore ke boletše ka thuto yela, “Ke nna Modimo, gomme ga ke fetoge.” Ka gona ge O sepeletše ka mo ka sebopego sa motho, mo lefaseng, Imanuele, mosadi yo monnyane o kgwathile seaparo letšatši le lengwe, gomme o bile le tumelo ye bjalo go fihla A e kwele. Gomme Lentšu la Gago le a bolela, Tate, gore, bošegong bjo, gore Jesu, Morwa wa Gago, ke Moprista wa rena yo Mogolo, gomme O sa ntše a ka kgona go kgwathwa ke maikutlo a mefokolo ya rena.

<sup>271</sup> Go na le bao ka mo ba ba babjago. Ke a rapela, Tate, gore O tla ba dumelela, bonnyane gatee goba gabedi, goba se sengwe ka mo, Morena, gore batho ba ke ba be le se sengwe go swarelela go sona, boka Jakobo, le go tseba gore ke Moya wo Mokgethwa, gomme ba se tsoge ba tlogela go fihla ba šegofaditšwe. Anke, ge O

ka no dira seo, Morena, motho yo mongwe le yo mongwe ka mo o tla swarelela go tshepišo yeo ya go swana, le go dula thwi le yona go fihla ba netefaleditšwe ka pelong ya bona gore tšhegofatšo ya Modimo e khutša godimo ga bona.

<sup>272</sup> Bjale, ke neela batheeletši ba go Wena, Molaetša le nnamong, bakeng sa mediro ya Gago. Ke ka godimo ga se nka kgonago go se dira, goba e ka ba mang gape a ka kgonago go se dira, go tloga mo go ya pele, Morena. E swanetše go ba Wena, kafao netefatša Wenamong go ba gona, wa go swana maabane, lehono le neng le neng, Modimo wa go se fetoge. Leineng la Jesu Kriste, ke kgopela se. Amene.

<sup>273</sup> Ga ke kwe Moya wa Gagwe, le a bona, ka tsela yeo. Ke mpho. Seo ga se re Ke Moya wo Mokgethwa e ka a ofe wo montši go feta wo ngwana yo monnyane a ka bago le wona. E no ba mpho ye e yago le Moya wo Mokgethwa, go dira Lentšu le phele. Bjale, se, ga wa swanelā... Ge A ka se dira, ga wa swanelā go tshwenyega. Ke—ke Lentšu le dirwa go bonagala. Ke Lentšu le dirwa go bonagala.

<sup>274</sup> Bjale, ke no nyaka yo mongwe le yo mongwe wa lena batho go nagana se ka pelong ya gago. E no—e no nagana se. Ga wa swanelā go rapela ka go hlaboša. E no rapela go wenamong. “Morena, ke na le nnete gore Ngwanešu Branham ga a tsebe selo ka nna. Ga a tsebe ka bolwetši bja ka. Ga a tsebe selo ka nna. Gomme ga ke leke go kgwatha modiredi yola. Eupša o re boditše pepeneneng gore O be o le Moprista yo Mogolo, gomme ke e badile. Gomme ke—ke a Go kgopela, nno mo dira a bolele go nna, bjalo ka ge Jesu a boletše go mosadi mo... yo a kgwathilego seaparo sa Gagwe. Gomme nno...”

<sup>275</sup> Goba, ge o sa babje, e re, “Morena Jesu, dira... ka mehla ke be ke sola gannyane ka se, ka e ka ba eng ka godimogatlhago. Eupša ka kgonthe ke tla rata go ba le se sengwe nka kgonago go bea seatla sa ka godimo ga sona. Kafao mo dire a bolele go *Semangmang* ka mo. Ke rapelela yena goba yena. Anke—anke a bolele ka mokgwa woo. Ke tla dumela.” E tla tloša tšohle go wena. Seo e tla ba se sengwe o tla kgonago go bea diatla tša gago godimo ga sona, boka Jakobo, le go re, “Se ke sona.” O ile a swara Modimo, nako ye nngwe, le go re, “Ke nna yo. Ke kgona go se swara.”

<sup>276</sup> A se tla le dira bohole le dumele? Ge o ka dira, phagamišetša seatla sa gago godimo. E re, “E no—e no phagamiša tumelo ka go nna,” gohle go dikologa, “ge nka kgona go e bona e dirwa.” Modimo a le šegofatše.

Ga ke re O tla dira. Ke a tshepa O tla dira.

<sup>277</sup> Nako ye nngwe, ke etla fase go tšwa thabeng, O rile, “Dilo tšohle di a kgonega, ge feela o ka no dumela,” go tatago mošemane wa dihwahwa. Ge re ka no kgona go dumela! Yo

mongwe o a babja le go hloka, dumela. Dumela ka pelo yohle ya gago. “Ge o ka kgona go dumela, dilo tšohle di a kgonega.”

“O re o letetše eng, Ngwanešu Branham?”

<sup>278</sup> Yo mongwe le yo mongwe ka mo, ntle le pelaelo, ke bile ka Phoenix makga a mantsi, ke E bone, ke rera molaetša boka wo. Eupša, Ke Seetša. Ba na le seswantšho sa Yona. E ka ba mang, go nyakile bohole ba lena, ba bone Seetša. A ga se la? Le na le Yona go diswantšho le dilo. Kae, E ka Washington, DC Ba na le Yona gape mo, letšatši le lengwe. Le a bona? Yeo e bea bohlatse bja Yonamong, ke Pilara ya Mollo ye e etilegopele bana ba Israele go kgabola lešoka.

<sup>279</sup> Pilara yela ya Mollo e ile ya dirwa nama gomme ya dula magareng ga rena. Jesu o rile, “Ke tšwa go Modimo, gomme Ke ya go Modimo.” Ka morago ga tsogo ya Gagwe O rotogetše Godimo.

<sup>280</sup> Gomme ge A dirile, O kopane le Paulo mo tseleng go ya Damaseko, gomme O be a le morago go Seetša gape. Paulo o kgonne go Se bona. Ka moka ga bona ga se ba kgona go Se bona. Ebile Se mo foufaditše. O be a foufetše. Gomme o rile o bone Seetša se kua, se phadima boka letšatši. O rile, “Morena, Wena o Mang?”

<sup>281</sup> O rile, “Ke nna Jesu. Gomme go thata go raga seotledi.”

<sup>282</sup> Bjale, Seetša seo sa go swana, seswantšho sa Sona, ge seo e le Seetša, ge e le Pilara ya Mollo ya go swana, Jesu wa go swana a bego a le tseleng go ya Damaseko, Paulo, Se tla dira mediro ya go swana. Se swanetše.

<sup>283</sup> Sese Sona. Tumišang Morena. Ke a Go leboga, Morena Jesu. Bjale anke Sathane a leka go bolela se sengwe!

<sup>284</sup> Mohumagadi yo monnyane yo a dutšego mo a apere roko ye bolou, ka bothata bja dissaenase, o a rapela, o dumela ka pelo yohle ya gago gomme bo tla go tlogela. A o tla e dumela? Gona go lokile, o ka kgona go ba le yona. Ga se ka ke ka tsoge ka bona mosadi, ga se ka tsoge ka mmona ka bophelong bja ka. Tšona dilo ke therešo, a ga di bjalo, mohumagadi? Ge di le, phagamiša seatla sa gago, morago le pele. [Kgaetšedi o re, “Ke therešo.”—Mor.] O be o rapela ka seo, “Morena, mo dire . . .” Eba le tumelo.

<sup>285</sup> Mohumadi yo monnyane yo mokaone šo o dutše, o dutše thwi morago mo, o apere jase ye nnyane ya boy a goba se sengwe. Seetša sela sesele. A ga le kgone go bona seo se lekeletše ka godimo ga mosadi yoo fao? Mosadi yola o ka leemong la go šiiša. Ga ke mo tsebe, ga se ka ke ka tsoge ka mmona ka bophelong bja ka.

<sup>286</sup> Ge re le basetsebane, phagamišetše seatla sa gago godimo. Eupša, theetša. A ye ga se therešo, maikutlo a go se tlwaelege ka kgonthe a go dikologile, a mabose ka kgonthe, maikutlo a go kokobela? Seo ke Seetša sela. Ke lebeletše thwi go Sona. Mo. O na le sešo. E sego feela sešo, eupša dišo. Di mogohle go wena. Yeo

ke nnene. A ga se yona? O a dumela? Modimo o a go fodiša le go go dira o fole. Eba le tumelo.

O a dumela?

<sup>287</sup> Mo, mohumagadi yo monnyane o phagamišitše seatla sa gagwe, thwi morago *mo*, o dutše ka morago ga ngwana yo, ka go setulo sa bogolofadi. Ga ke tsebe mohumagadi yola. Ga se ka ke ka mmona. Re basetsebane. A ga re, mohumagadi? Eupša o rapelela bothata bja pelo, gore Modimo o tla go fodiša. Ge yeo e le nnene, šikinya seatla sa gago ka mokgwa *wo*. Jesu o go fodišitše. Eya gae gomme o fole.

<sup>288</sup> Le dumela ka pelo ya lena yohle bjale? [Phuthego e re, "Amene."—Mor.] "Ge o ka kgona go dumela, dilo tšohle di a kgonega." Eba le tumelo. Se e belaele. E no dumela ka yohle . . .

<sup>289</sup> Mo go dutše mosadi thwi godimo *mo*, o dutše thwi fase, basadi ba mmalwa go tloga go Mdi. Sharrit. O dutše pale, o a rapela. O na le bolwetši bja marapo. E dumele, mohumagadi. O a e dumela? Go lokile. E amogeye.

<sup>290</sup> "Go tla ba Seetša ka nako ya mantšiboa." Beibele e rile se tla ba. Modimo wa go se fetoge!

<sup>291</sup> Mpotšeng ba kgwathile Mang. Jesu Kriste o a swana maabane, lehono, le neng le neng. Nna, ka tlhompho, ke bobedi diatla godimo, ga se ka ke ka tsoge ka bona batho ba le pele, ga ke tsebe selo ka bona. Eupša Yena Yo a lego gona bjale, o be o ka se kgone go uta bophelo bja gago ge o be o swanetše. Yeo ke nnene. Yena o mo. Yena ke Kriste. Ke kgonthe. Ke tshepišo ya Gagwe, Modimo wa go swana. A o ka se kgone go swarelala go yona? Tlimarela go e swara gomme o re, "Ke ya ka. Bjale ke a dumela."

<sup>292</sup> Tate wa Legodimong, ke tliša batheeletši ba go Wena, batho ba ba go babja. Ba a hloka. Bjalo ka ge re tsopotše bošego bja go feta, go be go le modišadinku yo monnyane nako ye nngwe, ka Leina la Dafida. O be a filwe boikarabelo, go hlokomela dinku tša tatagwe. Go ne badiši ba bantši ba dutše mo bošegong bjo, le bona, Morena. Gomme o be a se ne bontši kudu go itšireletša yenamong, le go šireletša dinku, eupša feela seragamabje. Seo se be se lekanetše. Letšatši le lengwe tau e tlie ka gare le go swara ye nngwe ya dinku tša gagwe, ya e tšeela ntle. Dafida o tsebile gore Modimo wa Legodimo o be a na le yena, gomme o tlimaretše seragamabje se gomme a ye morago ga nku. Gomme o bolaile tau, a e Rathela fase ka seragamabje, gomme a tliša nku morago e phela.

<sup>293</sup> Tate, bolwetši, diabolo, go feta tau, o swere ba bantši ba dinku tša Gago. Ke na le seragamabje se sennyane mo; se bitšwa thapelo le tumelo. Ga se bogege, godimo lehlakoreng la dibetša tša saense ya tša kalafo. Eupša, Modimo, Wena hlahlela thapelo ye go lefelo lela kua.

<sup>294</sup> Sathane, ba tlemolle. Ke tla ka morago ga nku yeo. Ba tlemolle. Ke ba tliša morago go mafulo a Tate gape bošegong bjo.

<sup>295</sup> Leineng la Jesu Kriste, ke kgalemela diabolo yo mongwe le yo mongwe wa bolwetši, ke ba rakela ka ntle ga batho ba. Gomme anke ba ye, ba lokologile, go tloga iring ye go ya pele, ka Leina la Morena Jesu Kriste.

<sup>296</sup> Bohle ba le dumelago phodišo ya lena, emelelang ka maoto a lena, gomme le re, “Nna bjale ke amogela phodišo ya ka. Ke bea diatla tša ka godimo ga Yo, yoo ke Kriste, gomme ke e dumela ka pelo yohle ya ka.”

Modiša wa lena.



*MODIMO MOSEFETOGE A ŠOMAGO KA  
TSELÀ YA GO SE LETELWE* NST62-0120

(The Unchangeable God Working In An Unexpectable Way)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšboa, Janaware 20, 1962, ka Westwood Assembly Of God ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)